



Wantok

Gutpela Belo Kaikai



Namba 1886 Wan Wik Oktoba 7 - 13, 2010

Niuspepa Bilong Yumi Ol PNG Stret! **K1 tasol**

Petigo manmeri givim fri leba long wokim wara saplai projek...

pes 19

Fres kaikai tasol long nupela Wewak maket...

Pes 21

Amerika mausman lukim Westen Hailans didimeri...

Pes 22

Wewak polis bagarapim stret ol Passam nesanel haiskul sumatin

Cyril Gare i raitim

PIKININI man bilong wanpela tisa long Passam Nesanel Haiskul em wanpela long tripela lain gret 11 sumatin husat i kisim bikpela bagarap bihain long polis long Wewak i spak na na katim em wantaim naip.

Namba wan pikinini man bilong sinia tisa bilong Passam Nesanel Haiskul, Alphonse Kamba nem bilong em Harrison, i kisim bagarap wantaim mak bilong naip long tupela skru bilong em ol polis man i katim na turangu i no inap wokabout na em i slip tasol taim dispela ripota i bungim em i slip

tasol long bet i stap long Birua na Imejensi wod (lukim piksa).

Tupela skul poroman bilong em tu i kisim mak bilong naip na sua long skin taim ol polis i paitim ol wantaim bat bilong gan long olgeta hap bodi bilong ol.

Ol dispela tripela sumatin em Quentan Bunima, Adriel

Huaffe and Cedrick Sino. Sedrick em pikinini man bilong Is Sepik deputi provin-sal edministreta Koporet Sevises, Michael Sino.

Dispela birua i bin kamap bihain long wanpela sumatin meri long Passam Nesanel Haiskul i bin ringim polis na tok olsem sampela lain i go insait long eria bilong ol

sumatin meri. Ripot ya tasol i mekim na ol polis i bin go insait long skul na bagarapim ol dispela lain sumatin.

Dokta we i sekim ol dispela lain, Dokta Warangi i tok long las wik Sarere moning olsem yangpela boi Harrison em i luk olsem skru i bagarap tru na bai operesin i kamap long en o bai ol i putim waia.

Long taim ol dispela sumatin i toktok wantaim dispela ripota, ol i tokaut olsem ol dispela spak polisman i no tingting long karim ol i go long haus bihain long ol i paitim ol. Ol i karim ol sumatin ya i go lokim ol wanpela nait olgeta inap Fraide apinun taim ol i toksave long papamama bilong ol long go peim beil na rausim ol long kalabus.

Wanpela sumatin, Adriel Huaffe i tok olsem ol i bin askim ol gad long sel long bringim ol i go long haus sik long kisim marasin, tasol sel gad ya i tokim ol olsem polis ofisa husat i bringim ol i go tasol ken mekim dispela.

I go moa long pes 2

Teksim Fevret Sta blo yu!

Lukim EMTV displa Sunde long 6:30pm nait. Teksim nem lo sta yu laikim i go lo namba1699 na bai yu go insait lo laki dro we yu inap winim kes moni na fri kredit!

Digicel stars



Digicel tems na kondisen istap insait



Wokim kamap...

Fri leba: Gutpela klin na helti wara saplai em bikpela nid tru bilong ol pipel bilong Petigo long saut Wosera LLG insait long Wosera-Gawi distrik long Is Sepik provins. Gutpela wok patnasip namel long ol pipel, Dipatmen bilong Komyuniti Dvelopmen na Japanis Intanesenel Koporesin Ejensi (JICA) i lukim wok i kamap nau na olgeta manmeri i givim fri leba long lukim projek i karim kaikai. *Poto: JAMES KILA*



Wanpela sumatin husat i kisim bagarap.

OX & PALM BRAND

True Buli Bif Bilong PNG.

OX & PALM BRAND CORNED BEEF

NET WEIGHT 340g

NET WEIGHT 200g

NET WEIGHT 200g

NET WEIGHT 340g

Ramu NiCo na gavman helt wok lain mekim medikel patrol

OL PIPEL long ol viles arere long Ramu Riva na Gama long Usinobundi ilektoret long Madang provins bai kisim gutpela helpim nau long wanpela medikal aweanes na helpim i kam long MCC Ramu NiCo na gavman helt wokman.

9-pela helt ekstensin ofisa na nes bilong Waliu Helt Senta na Usino i wok bung wantaim 6-pela nes na medikal dokta bilong Ramu NiCo, em Dokta Yang Yan i go pas long en i go aut pinis stat long Oktoba 4, 2010 long mekim tupela wok helt patrol.

Komyuniti Helt woka, Beli Soba i tok tim ya bai karimaut wok long klinik patrol karamapim ol eria olsem awenes long HIV/AIDS, TB, leprosy, helti viles aweanes, helt edukesin, imunaisesen o banis sut, givim banis sut long H1N1 na ol narapela helt aweanes.



Dokta Yan (wantaim glas) na ol memba bilong medikal tim i redi long mekim patrol.

Mista Soba i tok tim ya bai karimaut tu ol liklik medikel sekap na givim marasin long ol lain i gat liklik sik long bodi.

Dispela medikel tim bai ron long moto bot bihainim Ramu Riva na go kamap long ol viles olsem Mundip, Gara, Sepu, Lain, Buai, Marum, Rai, Karisanga, Wara, Laplap, tupi, Ainagar,

Useruk na ol narapela viles i stap long dispela rot long patrol.

Man i makim Ramu NiCo Komyuniti Afeas, Jerico Pan i tok Ramu NiCo i givim moa long K6,000 long tim ya long baim kaikai, fuel, na ol narapela samting ol i nidim long patrol, na gavman medikal tim i givim planti long ol medikal saplai we bai ol i

yusim insait long patrol.

Dispela wok-bung i kamap long stat bilong dispela yia aninit long wok bilong Ramu NiCo-MCC long givim ol medikal sevises i go long komyuniti wantaim helpim long gavman long ol eria projek wok bai stap insait long en.

Long mun Julai long dispela yia, moa long 2,000 pipel bilong Kurumbukari insait long Usinobundi Distrik i bin kisim fri medikal sevis olsem marasin na medikal sekap aninit long wankain join program.

Wanpela wan wik helt ekstensin program stat long Julai 12 i go 17 i bin mekim wok raun i go long ol viles klostu long projek eria olsem Enekuai, Sibai, Danagari, KBK kemp, Banu na Ramu Projek SML eria we olgeta i stap long Kurumbukari.

Long Sande, Septemba 12,

tim i bin go long Bogadjim ausait long Madang we ol i givim H1N1 sut long stopim kamap bilong dispela sik swain influenza o sik kus bilong pik na tu, givim fri medikal sekap insait long wanpela wik olgeta.

Ol pipel bilong Rai Kos Distrik stat long Kostal Paipain i go long Basamuk na tu Rai Kos Haiskul em ol narapela lain long kisim sut o veksinesen bilong H1N1. Moa long 5,000 pipel i bin kisim dispela veksinesen o sut.

As tingting bilong karimaut program i kamap bihain long longpela bung toktok namel long Jeneral Menesa bilong Main Dipatmen, Deng Hengbo na deputi bilong em, Mei Ming na Guo Deming. Eksekutiv Vais Presiden bilong Ramu NiCo, Gu Yuxiang i tokim pinis ol narapela dipatmen long sapotim dispela medikal o helt program.

AOG grup mekim wokabaut long Holilen... Pre long kantri

Veronica Hatutasi i raitim

WANPELA sios grup long PNG i bin lusim kantri long las wik Tunde long go long Holilen o Israel long stap insait long wanpela wokabaut long pre, lukim, lainim na kisim moa save long ples bilong Jisas.

70 memba bilong Asembli ov God Sios (AOG) i bungim ol narapela wan lotu bilong ol long 66 kantri long Is we i karamapim Esia na Pasifik

rijen, Australia na Nu Silan na go long dispela wokabaut.

Reveren Anthony Dalaka, em hetman bilong AOG sios long PNG na Pasto Tom Watinga em bisnisan na pasto, i go pas long delegesen bilong PNG i gat long em ol pasto, ol bisnis man, ol woklain na ol manmeri nating.

Reveren Dalaka na Pasto Watinga i tok dispela wokabaut i makim ol sios long ol kantri we ol pipel i kam long en long

kamapim wokpren namel long ol na ol Kristen long Jerusalem, em ples we pipel God i makim ol i save stap long en.

"Mipela i lukim olsem Israel i stap namel long ol kantri i birua long em long ol kain kain samting. Tasol long dispela taim, mipela i lukim olsem God i kam bek long ol bikos ol i lewa bilong em. Mipela i laik konek wantaim ol samting we God i redim i stap bilong yumi bi-

hainim sapot bilong yumi long pipel we em i makim olsem bilong em," Pasto Watinga i tok.

PNG grup bai pre long kantri bilong ol na wol tu.

Spesel poin we PNG grup i gat em ol i bilip olsem PNG i gat 5-pela yia moa bipo em i tanim 40 krismas bihain long independens bilong em.

"Na God i save larim nupela kantri i kisim independens long raun long wesam ples long 40 yia. Taim em i gat 40 krismas,

kantri i save go insait long graun God i promisim na i pulap long milk, hani na planti ol gutpela samting. Mipela i bilip olsem PNG i gat bikpela blesing long God, tasol pipel i no kisim ol gutpela samting yet na pipel i no luksave long en. Long dispela wokabaut, mipela i bilip olsem bai mipela i sanapim ol rait spirituel faundesem olsem i stap long Baibel," Reveren Dalaka na Pasto Watinga i bin tok.

Sumatin kisim bagarap... I kam long pes 1

Narapela tok dispela duti polisman i tokim ol em olsem nogat kar i stap na tu sapos kar is tap nogut bensin.

"Mi pret tru taim mi lukim Harrison i wok long lusim planti blut. Mipela i brukim siot bilong mipela long pasim dispela bagarap long lek bilong em long stopim blut long kapsait planti," Adriel i tok.

Adriel i tok tu olsem dispela polis man husat i paitim em i holim naip long wanpela han na wanpela bia botol long narapela han.

Ol dispela sumatin i tok olsem dispela polis kar we i bringim ol i go long sel i gat ol polis man husat i dring bia na tu wanpela meri husat i no wok long polis. Dispela meri tu i dring bia wantaim ol polisman.

Ol sumatin man ya i tok olsem ol i bin go leit long kaikai long apinun olsem na ol i go long lukim ol pren meri bilong ol husat i kisim kaikai bilong ol

na putim i stap. Ol sumatin i bin go waswas long wanpela wara kalap we i stap longwe long skul graun na i bin go leit.

Wanpela meri sumatin, Joan Boski, husat i mekim gret 11, i tok em i bin kisim kaikai long mes. Em i tok taim ol bois i go kamap em i givim kaikai long tasol em i tokim ol long wet pastaim na em i kukim fres kaikai na em i ken givim ol.

Sedrick Sino tok em i wok long kaikai i stap, na guria stret taim bat bilong gan i paitim het bilong em na em pundaun i go long graun.

"Ol polisman i no askim mipela pastaim long ol i stat paitim mipela. Ol mekim mipela guria na stap long paitim mipela nabaut," Sedrick i tok.

Passam tisa, Mista Kamba i tok skul edministresin i no bin kisim toksave o givim tok orait long polis long go insait long skul na bagarapim ol sumatin

bilong skul.

"Dispela em wanpela edministresin samting na skul i ken lukluk long en," Mista Kamba i tok.

Is Sepik Deputi Provinsal Edministreta Koporet Afes, Michael Sinai, tok em i no amamas long pasin ol sumatin i mekim, na tu pasin ol polis i kamapim i no gutpela.

Em i tok ol pasin polis i mekim i rabis tru na i no luk olsem ol polisman ya i kisim trening long Bomana Polis Koles, ating ol i mas kisim trening long teroris kem long Afganistan.

Is Sepik Ekting Provinsal Polis Komanda, Inspekta Charles Parinji i bin stap long Vanimo na dispela ripota i no bin kisim toktok bilong em.

Tasol ol sumatin ya em wan wan i peim K50 beil na bai kamap long kot long Mandewe ol i bai tokaut olsem ol i no mekim rong.

PNG bai selebretim Fuzzy Wuzzy De

Veronica Hatutasi i raitim

STAT long dispela yia, Novemba 3 em i de bilong tingim ol "Fuzzy Wuzzy Angels" o lain man i bin helpim ol soldia bilong Australia egens ol soldia bilong Japan long Wol Wo 2 moa long 60 yia i go pinis.

Dispela i bihainim Nesenel Eksekutiv Kaunsel (NEC) i givim tok orait long makim dispela de na ol i putim dispela de long gavman geset olsem de we pipel bilong PNG bai givim luksave ol "war hero" bilong dispela kantri. Na ol i kolim dis-

pela de olsem "Fuzzy Wuzzy De".

Taim Turisim, Ats na Kalsa em Guma Wau i tokaut long dispela las wik Fonde, em i tok dispela de bai givim luksave i go long ol hatwok we ol "Fuzzy Wuzzy Angels" bilong yumi i bin mekim long Wol Wo 2.

"Mipela i laikim olgeta jeneresen long luksave na selebretim ol hatwok, pasin bilong laikim na helpim we ol "Fuzzy Wuzzy Angels" bilong yumi i gat long en," Mista Wau i tok.

Em i tok ol Fuzzy Wuzzy i bin kam long olgeta hap bilong PNG long karim ol samting

bilong ol soldia bilong Australia. Em long Simbu, Asaro, Sepik na i no long sait bilong Papua tasol.

Siaman bilong Kokoda Trek Atoriti em James Enage i tok ol komyuniti long Kokoda, Efogi na Owers Kona i mekim ol wok redi nau long selebretim dispela de.

Mista Enagi i tok Novemba 3 em de we ol soldia bilong Australia i bin rausim ol soldia bilong Japan long Kokoda na sanapim flek bilong Australia.

Em i tok dispela flek i stap yet na ol bai yusim long selebresen long dispela de.

Nogat pati bilong ol Gret 10 na 12 bihain long tes

Veronica Hatutasi

BAI nogat pati na selebren bihain long ol sumatin i pinisim ol Gret 10 na 12 long olgeta skul long PNG, ol edukesen atoriti i tok.

Long tupela wik i stat long dispela wik Tunde inap long neks wik Fraide Oktoba 15, moa long 36,000 Gret 10 sumatin long PNG i sindaun long nesenel skul tes bilong ol. Insait long Nesenel Kapitel Distrik, moa long 2,000 Gret 10 sumatin i sindaun long tes wantaim ol wanlain bilong ol long kantri.

Dispela em i namba wan taim ol Gret 10 sumatin i sindaun long tes we i bihainim Autkam Beis Edukesen (OBE) na aninit long em, ol sumatin bai sindaun long tes long 10-pela sabjek. Wanpela em Riten Ekspresen tes ol i wokim pinis long mun Jun yet.

Wanpela bikman long Nesenel Kapitel Distrik Edukesen opis long Mosbi em Stephen Lapan, i mekim klia na tok ol "core" o bikpela sabjek em long Inglis, Mets, Saiens, Sosel Saiens. Ol nara-pela nupela sabjek eria we ol sumatin i tes long ol nau em Bisnis, Ats, Agrikalsa, Disain na Teknoloji.

Tasol Mista Lapan i tok sapos i gat wanpela sabjek we tisa i no bin skulim long wanpela skul, ol sumaitn bai i no wokim tes long en.

Ol Gret 12 long kantri bai wokim tes bilong ol long 4-pela tasol na dispela i stat long Tunde Oktoba 19 in ap long Fraide Oktoba 22.

Mista Lapan i tok ol Gret 10 na 12 bai wokim greduesen na pinis skul bihain ol i pinisim ol tes bilong ol.

Tasol em i tok pinisim ol tes i no samting bilong ol sumatin long amamas na wokim nabaut bungim birua olsem i save kamap olgeta yia na olsem, ol edukesen atoriti i stopim ol skul sumatin pati bihain long ol tes na greduesen.

"Mipela i givim tupela strongpela toktok pinis i go long ol skul prinsipel na hetmasta long tokim ol sumatin bilong ol.

"Namba wan em tokim ol sumatin long stap isi bikos ol i no kisim ol fainol mak bilong ol yet long toksave ol bai go we long skruim skul bilong ol o i nogat. Namba tu em bai nogat skul sumatin pati bihain long tes na dispela em i klia stret. Mipela i putim ol dispela tambu bikos ol skul pati i save kamapim planti bikhet pasin, birua na dai," Mista Lapan i tok.

Bihain long ol fainol tes na greduesen, ol skul sumatin i save holim ol skul pati, dring spak na longlong pait nabaut, bungim ol birua na stat yet long namel bilong 1990's, sampela sumatin i dai pinis.



Ol lain Sauten rijen ileksen menesa na ofisal bung long Loloata ailan long toktok long stretim ilektoral rol. Foto: James Kila

Meintenenens na stretim ilektoral rol em bikpela wok tru - Trawen

James Kila i raitim

WOK BILONG stretim gut (meintenenens) na apdeit (stretim gen rekot) bilong ilektoral rol stat long nau na 2012 Nesenel Jeneral Ileksen em bikpela wok tru nau bilong Ilektoral Komisina bilong Papua Niugini.

Ilektoral Komisina, Andrew I no long taim I go pinis bihan long em i givim toktok na pasim Sauten Rijin Ileksin Menesa Woksop long Loloata ailan klostu long Mosbi.

Dispela woksop i lukim ol lain ofisa makim provinsal edministresin long Sauten rijen, ol ileksin menesa, ol memba bilong PNG ilektoral komisina sinia menesmen tim .

Em i tok amamas long ol lain husat i stap insait long dispela woksop na i toksave long ol olsem meintenenens na apdet long wok long stretim ol nem long ilektoral roll em wanpela long ol bikpela samting we i mas kamap pas-taim long Nesenel Jeneral Ileksin long 2012.

Mista Trawen i tok olsem 3-pela

bikpela eria i stap insait long wok long stretim ilektoral roll em long sait bilong nupela enrolmen, senis long ol ilekta diteil na taim bilong rausim ol nem long ilektoral rol.

Ilektoral Komisina Trawen i tok olsem PNG ilektoral rol sistem i mas lukim bikpela wok tru i kamap long en na dispela wok i no bilong kwiktai long stretim.

Mista Trawen i tok tu olsem tupela ripot bilong Nesenel Risets Institiut (NRI) i tokaut olsen ilektoral rol long PNG i mas lukim wok long stretim i mas kamap long en. Dispela tupela NRI ripot em Ekting Sif Seketeri bilong Gavman, Manasupe Zurenuoc na Mista Trawen yet i bin lonsim long las mun.

Em i tokaut tu olsem NRI Ripot i tokaut long ol ileksin hevi we i bin kamap bihain long nogat lukave o rot long luksave stret long ol lain i givim vot. Olsem na long dispela as i gat nid long stretim na kamapim gut ilektoral rol long kamapim fri na fea ileksin long PNG.

Mista Trawen i tok olsem long mekim dispela wok i kamap PNG ilektoral Komisina i nidim bikpela helpim long bringim aut ol long taim rol impruvmen o rot long kamapim gut ilektoral rol, olsem na strongpela politikal na fainensel sapot i mas kam long Nesenel Gavman long stretim ol hevi i stap long ilektoral rol.

Em i tokaut olsem long nau yet em i klia olsem nesenel gavman i redi long kamapim gut ilektoral rol long redi gut long 2012 Nesenel Jeneral Ileksin. Dispela em bihain long PNGEC i redim gut gutpela sistem bilong en we i stret tru, moa gutpela na isi long yusim.

Mista Trawen i tokaut olsem long sait bilong fainensal sapot long Nesenel Gavman, PNGEC i mekim sabmisen pinis i go long Sentral Ejensi Kodineting Komiti (CACC) long kisim moa sapot wantaim mani insait long 2011 Nesenel Developmen Baset long helpim PNGEC long karimaut ilektoral rol mentenenens na apdet wok insait long kantri.

PNG's Nambawan Mackerel

Besta
FINEST QUALITY



It's Better, It's Besta!

Elementeri nidim ol gutpela kwality tisa

Veronica Hatutasi i raitim

KWALITI bilong elementeri level long PNG bai kamap gut nau bihain long nupela tisa trening bilding i op long PNG Edukesen Institut (PNGEA) long Mosbi long dispela wik Tunde.

Dispela em toktok we ol bikman bilong Edukesen Dipatmen na gavman bilong Australia i mekim insait long seremoni bilong opim wanpela dabel stori level klasrum blok i gat 6-pela rum, ples bilong slip long 103 sumatin i skul long kamap ol elementeri skul tisa, 4-pela be- trum yunit long ol wok- lain na haus kuk na ples bilong kaikai long ol sumatin.

Long sanapim dispela bilding, AusAID i makim gavman bilong Australia i tromoim



BIKMAN TOKTOK: L-R: Hai Komisn bilong Australia long PNG em Ian Kemish, Richard Marles em Palamenteri Sekreteri bilong ol Pasifik Ailan long Palamen bilong Australia na Edukesen Sekreteri Dokta Joseph Pagelio i toktok i stap long opim dispela nupela Elementeri Tisa Trening bilding. *Poto: Veronica Hatutasi*

K6.3 milion. Helpim long dispela projek em i hap bilong PNG-Australia Patnasip bilong Developmen.

Ol sumatin i wokim Elementeri Tisa Trening program bai slip

long skul long dispela nupela bilding na wokim wanpela yia kos. Namba wan grup i kam long olgeta hap bilong kantri long mak bilong 97 sumatin, i slip nau long dispela

bilding na skul i stap. "Long gat kwality edukesen, i mas gat ol kwality tisa. Na dispela bilding bai helpim long kamapim ol gutpela tisa long skulim ol liklik pikinini bikos lainim ol

pikinini taim ol i liklik yet em i bikpela samting," Palamenteri Sekreteri bilong ol Pasifik Ailan long Palamen bilong Australia em Richard Marles husat i bin opiseli opim dispela nupela Elementeri Tisa trening bilding, i tok.

Edukesen Sekreteri Dokta Joseph Pagelio taim em i tok tenkyu i go long Australia long bikpela helpim ol i givim long sapatim

edukesen long PNG i bin tok dispela bilding bai givim bikpela helpim tru long edukesen long kantri na moa yet, ol elementeri skul pikinini.

PNG i bin go insait long nupela senis long Edukesen system long kantri long 1994 na nau, yumi gat samting olsem 4,000 elementeri skul na 11,000 skul tisa.

Aninit long 10-pela yia nesenel edukesen

plen we Yunivesel Besik Edukesen (UBE) Plen, olgeta pikinini i gat 6-pela krismas i go antap i mas stap long skul.

Na elementeri level em i stat bilong ol na i bikpela samting we long dispela yia, ol sumatin i go skul fri.

Dokta Pagelio i bin tok dipatmen i lukluk long trenim 1,200 elementeri skul tisa insait long wanpela yia long inapim gol bilong UBE.

JICA voluntia Masaki helpim long Boram haus sik

James Kila i raitim

WANPELA yangpela voluntia bilong Japan, husat i wok wantaim Japanis Intanesenel Koporesen Ejensi (JICA) i mekim gutpela wok long seksen bilong em long Wewak Jenerel Haus Sik long Is Sepik provins long helpim planti ol lain bilong rurel eria husat i go kisim marasin na helpim long hap.

Nem bilong dispela yangpela man husat i wok olsem fisioterapis em Masaki Haragushi na Wantok Niuspepa i bin bungim em long Boram long Wewak Jenerel Haus sik we em i wok long lukluk long ol sikman long haus sik.

Wok bilong Masaki i helpim gut tru long lukluk long ol lain i save go kisim helpim long Fisioterapis seksen bilong haus sik.

Sista i go pas long lukautim Fisioterapis seksen, Robina Maragum i tok olsem Masaki i save helpim gut tru wantaim wok bilong em long helpim ol lain husat i go long dispela seksen long kisim marasin na helpim long ol wok lain long hap.

Sista Robina i tok olsem Masaki i helpim gut tru wantaim ol wok bilong em bikos planti sik manmeri na pikinini i save go long kisim helpim na nogat planti kain wokman olsem fisioterapis i stap, olsem na taim Masaki i go long Boram em i helpim gut tru long daunim ol wok.

Dispela yangpela man bilong em mama bilong em i karim em long Mas 21, 1980 em i no marit yet na em i pinisim skul na kisim diploma long Fisikal Terapi long Tohoku Bunka Gaduen Koles.

Planti ol lain long Boram haus sik olsem ol wan wok bilong em save kolim em tasol Masaki.

Masaki i save wok olsem fisioterapis na em i save wok long helpim ol lain long wok husat i bagarap long bodi long sik olsem TB, numonia, serebrovaskula sik, Parkinson, Mieleitis na tu em save wok long helpim ol pikinini husat i sik sot-win na tu ol nara-pela. Em i save givim marasin long ol lain long aut pesin husat i lukim bun bruk o lain i kisim bagarap taim kar i bam o lain i pundaun long diwai na bun bruk na lek o han solap. Long wan kain taim tu wok bilong Masaki em long givim marasin na tu skulim ol student long rot bilong mekim gut long ol sik manmeri na pikinini na tu givim skul long fisioterapis.

Gat wok lo Hapim, Pullim Ropim o Titim? Em mipela igat ol rite samtin lo yusim!

BISHOP BROTHERS
everything for industry...

EMAIL: sales@bishopbrothers.com.pg WEBSITE: www.bishopbrothers.com.pg



JAPAN HELPIM: Fisioterapis bilong Japan, Masaki Haragushi i nil daun long raithan wantaim liklik boi i gat bagarap long lek em Barakuel Kamali. Ol lain sanap em Sista lukautim Fisioterapis seksin Robina Maragum wantaim papa bilong pikinini, David na opisa bilong Embasi bilong Japan, Mista Nakafusa. *Poto: James Kila*

Pilai bilong Pusi na Rat aninit long Mama lo



INSAIT long las kolum mipela i glasim dispela luksave bilong stethut na masin bilong gavman. Mipela i tok stethut em ol pipel, graun bilong ol, na olgeta risos i stap, na wanpela sosaiti aninit long wanpela sentral gavman atoriti i bosim olgeta wok gavman olsem memba bilong wol komyuniti.

Tok bilong yumi long pinisim dispela tingting i bin olsem:-

Long pinisim toktok, yumi ken askim yumi yet olsem: ol pipel bilong kantri bai kisim wanem samting tru aninit long nem bilong gavman?

Mipela i tok pinis olsem olgeta manmeri i bung wantaim long kamapim indipenden stet bilong Papua Niugini. Tasol dispela stet i gat pes tu o nogat? Em i gat hamas han na lek?

I nogat wanpela samting ol i kolim stet yu ken lukim, sapos i nogat pipel i stap. Em i nem tasol. Nem ol i yusim bilong tok makim ol pipel, graun ol i stap long en, na ol kain kain opis i save odaim na stiaim ol pipel na laip bilong ol, bai ol mekim wok tasol bilong wan wan long kisim gutpela sindaun.

Em i wanpela samting bilong kontrolim ol pipel. Sapos man nogut i go pas long en, em i ken yusim gavman bihainim laik bilong em yet.

Olsem na em i no stret long tok olsem gavman bilong kantri em bilong ol pipel bilong dispela kantri. Yes, long skul tok, gavman em bilong pipel. Tasol long pasin na wok bilong en, gavman em bilong ol memba bilong palamen, ol sivil sevan na hetmanmeri bilong wan wan ol opis na bisnis bilong gavman long kantri. Olsem tasol na olgeta bikpela hap mani ol i save skelim insait long baset wan wan yia i save go long peim ol potnait pe, ol alawens, na balus tiket na ol arapela kos bilong wok long opis.

Liklik tru i save go long stretim ol rot, bris, ol skul na haus sik.

Em nau, wanpela Sif Ek-

sektiv Opisa bilong wanpela gavman bisnis long Pot Mosbi i ken kisim klostu K1.5 milian wan wan yia long pe bilong em, na antap long en, em bai stiliim gen mani long opis em i bosim.

Ol rida bilong yumi bai luksave tu olsem mipela i bin tokluksave long aidia bilong stethut na wanpela sentralais gavaning atoriti olsem:

Astingting bilong stethut o gavman, em bilong bungim ol pipel aninit long wanpela politikal, sosol na ekonomik yunit. Na tingting i olsem yumi olgeta i bungim ol samting yumi gat bai yumi strong moa. Tru, em i wanpela gutpela tingting.

Tasol ol dispela aidia na tingting em bin stap long strongim fremwok bilong stethut na masin bilong gavman. Wanpela rot we ol dispela tingting i ken karim kaikai insait long dispela fremwok em long strong bilong ol manmeri i wok insait long gavman. Long dispela, mipela i lus tru. Mipela i lus pinis long stretim gut rot bilong yumi long taim bilong tumbuna, i senis i kam long taim bilong tude. Ol pipel i stiaim dispela sip gavman long painim gutpela taim i nogat gutpela bel bilong stiaim yumi gut i go painim gutpela taim we i stap insait long ol Nesenel Gol na Dairektiv Prinispal long konstitusen.

Long dispela kolum tude, bai yumi glasim dispela tok olsem gavman bilong Papua Niugini em i bilong ol pipel bilong dispela kantri.

Em i bilip bilong mipela olsem dispela i bin kirap wantaim wanpela politikal pepa ol i kolim Konstitusen bilong Indipenden Stet bilong Papua Niugini. Dispela pepa em ol kolonial masta i tromoi long yumi na tokim mipela long senisim ol tumbuna hauslain i mas bihainim wanpela 'nupela na fe sosaiti' olsem konstitusen o mama lo i tok makim.

Taim yu ridim konstitusen, em bai tokim yu olsem nupela sosaiti em ol i kolim 'the Independent State of Papua New

Guinea'. Em i min olsem wanpela ausait kantri olsem Australia bai no inap long lukautim kantri. Nogat. Nupela kantri bai stap aninit long stia bilong ol asples manmeri yet bilong dispela nupela kantri.

Na long sait bilong lukautim na stiaim dispela kantri, mipela bai mas lukluk long konstitusen bikos olgeta samting i stap long en. Olsem, namba wan, ol i tokim mipela olsem konstitusen em i suprim lo long ples graun, na i winim olgeta arapela lo. Olsem, yumi ridim Buk ov Jenesis long painimaut God i mekim wol olsem wanem, olsem na yumi mas ritim konstitusen long painimaut we dispela nupela komyuniti ol i kolim indipenden stet bilong Papua Niugini i bin kamap.

Konstitusen i tokim mipela sampela ol samting. Namba wan, em i tokim mipela olsem politikal dokumen ol i kolim nesenel konstitusen em i suprim lo long graun. Namba tu, ol i tokim mipela olsem aninit long konstitusen, OLGETA pawa i stap wantaim mipela ol pipel, na ol i givim mipela wanpela nupela nem, em 'the citizens'.

Na ol dispela pawa em:-
 (1)olgeta pawa bilong mekim ol lo;
 (2)judisal pawa long skelim na yusim lo; na
 (3)eksekutiv pawa bilong bosim kantri.

Tasol, taim em i kam long askim bilong ol pipel i yusim dispela ol pawa, konstitusen i tokim mipela olsem ol memba bilong palamen bai yusim ol pawa bilong yumi long mekim ol lo; judisari pawa bilong pipel em ol memba bilong judisari bai yusim; na eksekutiv pawa bilong pipel em Nesenel Eksekutiv Kaunsil bai holim na yusim.

Em nau, dispela bikpela lo long graun i tokim mipela olsem pawa bilong mekim lo, pawa bilong judisari na eksekutiv pawa, judisal pawa na eksekutiv pawa em bilong pipel, tasol long wankain taim, em i tokim mipela olsem maski mipela i gat olgeta dispela pawa, judisari yet bai

lukautim ol judisal pawa bilong yumi na nesenel eksekutiv kaunsil bai yusim ol eksekutiv pawa bilong yumi.

Dispela em i tru tru sindaun baksait long dispela hap toktok olsem olgeta pawa i stap wantaim pipel, na wanem samting i stap yet, bai em i tok ol pawa bilong rausim ol pipel i stap long tripela arapela lain.

Bihain ol i tokim mipela olsem ol pipel i gat wan wan rait na fridom olsem fridom bilong ekspresen o rait bilong bung na protes na autim tingting, tasol ol i tokim mipela tu olsem ol i ken pasim mipela long yusim dispela ol rait bilong mipela long strongim 'publik oda na nesenel sekyuriti'.

Ol i tokim mipela olsem mipela i gat praivet rait long papa bilong graun bilong yumi, tasol long nem bilong 'publik intres', gavman i ken rausim ol dispela praivet rait long ol graun na risos bilong yumi.

Bihain ol i tokim mipela olsem mipela i mas karim olgeta kos bilong gavman long lukautim sindaun bilong yumi yet, olsem na gavman i oraitim Takis lo bilong mekim mani long kain ol takis olsem 10pesen sels takis we mipela i save peim long gavman olgeta taim yumi go bain kago long stoa.

Olsem na wantaim mani ol i kisim long ol kain kain takis na ol arapela mani ol i bungim long ol foren maining na petroleum kampani, ol politisen i save tok oraitim nesenel baset olgeta yia long inapim ol kos bilong lukautim yumi na ol skul, haus sik na rot na bris bilong yumi.

Las tru, ol i tokim mipela olsem gavman bai strongim lo na oda long komyuniti na long mekim dispela, ol pipel i mas bihainim stret lo na olgeta pasin bilong ol i mas orait aninit long loa.

Long pinisim dispela toktok, taim yu glasim gut konstitusen, yu bai luksave olsem i nogat samting i stap long banisim ol pipel na ol praivet rait bilong ol na risos bilong ol sapos gavman i gat pawa long rausim dispela pawa long

pipel long strongim 'publik intres'. I nogat samting i stap long strongim fridom bilong toktok na fridom bilong bung long publik na mas long autim kros sapos gavman i gat pawa long pasim ol manmeri long strongim 'publik oda na nesenel sekyuriti'.

Na dispela hap toktok long konstitusen i tokim mipela olsem OLGETA pawa em bilong pipel, em i wanpela giaman tok tru.

Dispela pawa i stap wantaim ol memba bilong palamen, husat bikpela pati long gavman i save salim i go kam olsem ol liklik rat.

Em nau, dispela nesenel konstitusen i nogat as bilong en. Taim yu bungim olgeta samting insait long konstitusen na skelim wantaim sindaun bilong pipel, bai yu lukim wanpela kain pilai olsem pusi i ronim rat olsem Tom na Jerry So bilong ol liklik pikinini.

Konstitusen yet i mekim yumi olsem yumi bikpela na strongpela olsem Tom, em pusi. Tasol taim olgeta samting i pairap, turangu Tom i save kisim pen na karim hevi taim liklik rat Jerry i strong long rausim pawa bilong em.

Em nau, yumi kamap olsem Tom, husat, aninit long konstitusen i givim mipela rait bilong praivet onasip long graun na risoses, tasol i rausim gen long nem bilong 'publik intares'; wanpela konstitusen we i givim mipela fridom bilong toktok na autim tingting, tasol i save pasim yumi gen long yusim dispela rait bikos em i pret long 'publik oda na nesenel sekyuriti' bilong en; na wanpela konstitusen we i tok olsem em i suprim loa long graun, tasol em i ken larim ol politisen i katim na senisim ol toktok bilong en.

Olsem na yumi nau i stap. Wanpela pipel i gat wan tausen hauslain, na ol i tokim yumi long sanap aninit long wanpela ambrela ol i kolim stethut aninit long loa ol i raitim na kolim konstitusen. Tasol bikpela askim tru em: 'Dispela konstitusen i save lukautim gutpela bilong husat tru? Konstitusen i save banisim na sevim pipel tu o nogat? Na sapos em i sevim pipel, em i sevim olsem wanem tru?'

Long dispela kolum tude, bai yumi glasim dispela tok olsem gavman bilong Papua Niugini em i bilong ol pipel bilong dispela kantri.

Em i bilip bilong mipela olsem dispela i bin kirap wantaim wanpela politikal pepa ol i kolim Konstitusen bilong

Indipenden Stet bilong Papua Niugini. Dispela pepa em ol kolonial

masta i tromoi long yumi na tokim mipela long

senisim ol tumbuna hauslain i mas bihainim wanpela 'nupela na fe sosaiti'

olsem konstitusen o

mama lo i tok makim.



Sabina's Corner

The Cat and Mouse game under the constitution

In this column today, let us now explore the myth that the government of Papua New Guinea belongs to the people of this country.

It is our view that it all started with the political document called the Constitution of the Independent State of Papua New Guinea. That document was thrown at us by the colonial masters and their local boys and we were told to reorder our traditional societies of a thousand tribes into a 'new and a fairer society' envisaged by the constitution.

IN THE last column we explored the notion of statehood and the machinery of government. We equated statehood with the people, their landmass with its resources, and an organized society under a central government authority exercising all stately functions as a member of the wider or global civil society.

Our conclusion in parts, read as follows:-

In conclusion, all we can now ask ourselves is: what is there for the people under the umbrella of statehood and the machinery of government?

There is no such tangible thing as a state, therefore applied in our case, there is no such thing as the independent state of Papua New Guinea without people. It is only a name, a legal fiction, applied to describe the people, their landmass and a conglomerate of faceless public institutions with diverse functions to control, direct and supervise our people and their lives as a single social unit to exploit the people en masse.

It is in essence, a control mechanism. In the wrong people's hands, it becomes a tool for manipulation; a means by which to serve personal interests; and a vehicle for exploitation of the masses. However, the independent state of Papua New Guinea is a name applied to describe real people, real human beings, their landmass with its abundant resources and the faceless institutions created to exert control, exploit and steal from the people.

Thus, seen in the above context, it is a myth to suggest that the government of this country belongs to the people of this country. Yes, in theory only, the government does belong to the people. However, in practice, the government belongs to the members of parliament, the civil servants and heads of various statutory institutions in the country.

This is the reason why the bulk of the money appropriated each year by way of the annual budgetary process is spent on salaries, perks, travelling, allowances

and other administrative costs. Very little is spent on roads, bridges, schools and hospitals. For example, a CEO of a statutory corporation in Port Moresby receives close to K1.5 million a year in salary plus perks excluding what he steals from the institution he runs.

Our readers will also note that we hailed the idea of statehood and a centralized governing authority thus:

The concept of statehood was a noble idea of uniting people under a single political, social and economic unit. And the idea that we should all place our resources in a common pool for the common good is also a noble idea. However, these are only ideas and concepts which laid the foundation for the frame work of statehood and the machinery of government. The only way these ideas can be made to bear fruit within the given framework is through human intervention or facilitation and this is where we have failed as a people; this is where we have failed as a nation of a thousand tribes; and this is where have failed as a stone age culture making the leap into the information age. The people at the helm to steer the ship of state to greener pastures haven't got the hearts to make us realize the dreams embodied in those National Goals and Directive Principles.

In this column today, let us now explore the myth that the government of Papua New Guinea belongs to the people of this country.

It is our view that it all started with the political document called the Constitution of the Independent State of Papua New Guinea. That document was thrown at us by the colonial masters and their local boys and we were told to reorder our traditional societies of a thousand tribes into a 'new and a fairer society' envisaged by the constitution.

When you read the constitution it tells you that the new society is called "the Independent State of Papua New Guinea". That means a foreign country like Aus-

tralia will no longer govern the country from outside. Instead the new country will be governed by local boys and girls from within the new country.

And as to how this new country or society would be governed, we have to refer to the constitution because it is all provided for there. Thus, firstly and foremost, we are told that the constitution is supreme law on the land or the mother of all laws. As an example, we read the Book of Genesis to find out how God created the world so in a like manner, we must read the constitution to find out how this new society called the independent state of Papua New Guinea was created.

The constitution tells us a number of things. First, we are told that the political document called the national constitution is the supreme law on the land.

Secondly, we are told that under the constitution ALL power belongs to us the people with a new name tag called 'the citizens'.

And these powers are:-

- (1) the unlimited power to make laws;
- (2) judicial power to interpret and apply the law; and
- (3) the executive power to govern the country.

However, when it came to the question of exercise of the people's powers, the constitution tells us that our elected members of parliament will exercise our law-making powers; the judicial power of the people will be exercised by members of the judiciary; and the executive power of the people will be exercised by the national executive council.

So here is this so called supreme law of the land telling us that the law making power, judicial power and the executive power belong to the people, but in the same sentence or paragraph, telling us that we have all those powers, the Constitution goes further and tells us that our members of parliament shall exercise our law making powers, the

judiciary shall exercise our judicial powers and the national executive council shall exercise our executive powers. Well, if this is the reality behind the statement that all power belongs to the people, then what is left of that statement if in the same breath, the powers are removed from the people and vested in three separate bodies.

Then we are told that we as the people have individual rights and freedoms like the freedom of expression including the right to hold public gatherings, public demonstrations and free speeches but we are also told that in the name of "public order and national security", we can be denied the exercise of such rights.

We are also told that we have private right of ownership of our lands and our natural resources but in the name of 'public interest' the government can take away our private rights to our lands and our resources.

Then we are told that we must bear the costs of government looking after our interests so the government passed the Taxation Laws to impose all forms of taxes like the 10% sales tax that we pay the government every time we go shopping.

Thus, with the money they collect from various taxes and other moneys collected from foreign mining and petroleum companies our politicians then pass the national budget every year to finance the costs of looking after us and the costs of our schools, hospitals and our roads and bridges.

Finally, we are told that the government shall ensure that there is law and order in the society and in order to do that the people must obey the law and keep and conduct their private affairs in an orderly fashion under the law.

In conclusion, when you study the constitution, you get to realize that there is nothing there for the protection of the people and their private rights to their lands

and their resources if the government has the power to take that away in the name of 'public interest'. There is nothing there by way of freedom of expression and freedom to hold public meetings and stage public demonstrations if the government has the power to deny us those rights in the name of 'public order and national security'.

And the statement in the constitution telling us that ALL powers belong to the people, is plain bull dung. That power rests with the members of parliament, who are used as stooges by the political party in government.

What it all amounts to is that the national constitution is not worth the paper it is written on. When you put everything in the constitution together and weigh it against the interests of the people, all we get is a game of cat and mouse like the Tom and Jerry Show for the kids.

The constitution makes us look big, strong and aggressive like Tom the Cat, but when the drama unfolds, it is poor Tom who is at the receiving end of things as little Jerry sets out to immobile Tom and make him powerless. And here we are powerless and immobile like Tom under the constitution that gives us rights of private ownership of land and resources but takes it away in the name of 'public interest;' a constitution that gives us freedom of speech and expression, but bars us from exercising it in the name of "public order and national security; and a constitution that says it is the supreme law on the land, but allows the politician to do a cut and paste job on it at will.

Thus, here we are, a people of a thousand tribes, told to gather under a single umbrella of statehood under a written law called the constitution. However, the big question is: 'Whose benefit or interest does this constitution serve? Does the constitution protect and serve the people, and if so, how so?

Morata Katolik peris i selebretim de bilong Bleset John Mazzuconi

Wol Yunien bilong ol Katolik Wimen holim asembli bung

Nius i kam long Zenit Nius ejensi, Vatiken

Olsem 500 meri memba bilong Wol Yunien long ol ogenaisesen bilong ol Katolik Meri (WUCWO) i bung nau long wanpela wik asembli long Jerusalem, Holilen long makim 100 yia bilong ogenaisesen.

Ol meri i bin laik selebretim 100 yia we ogenaisesen bilong ol i sevim sios long en wantaim asembli bung long ples yet we Jisas i bin wokabout na stap long en.

Wanpela wik bung i bin stat long dispela wik Tunde, Oktoba 5, na bai pinis long neks Mande, Oktoba 11 long Pontifikal Institut, Notre Dame long Jerusalem, wanpela stetmen long ogenaisesen i tok.

WUCWO i makim moa long 5 milion meri husat i strongim wok long moa long 100 ogenaisesen bilong ol Katolik meri long wol. Pontifikal Kaunsel bilong Leiti i luksave olsem yunien em i pablik intanesenel asosiesen bilong ol lotu meri.

Stetmen i tok grup bai selebretim 100 yia "sevis ol meri i mekim, bilong ol meri, bilong sios na sosaiti. Na olsem, em i moa gut long yumi go long as long bilip bilong yumi i kirap long en, ples we Jisas i bin wokabout, na yumi ken bungim em long spesel wei," stetmen i tok.

Beatitut Fouad Twal em Latin Patriark o wanpela pater, i bin go pas long misa lotu bilong opim asembli. Tasol long Sande Misa lotu, ol 500 lain i kam long bung i bin go lotu long ol wan wan peris na bungim ol arapela narapela wan lotu bilong ol na ol Kristen long Holilen.

Sios i givim luksave long Itali Mama

KATOLIK Sios i givim bikpela luksave long wanpela mama Itali we man na 6-pela pikinini i bin dai na em wan i stap.

Long las wik Sande, Parma long Itali i bin wokim Misa lotu bilong santuim Mada Anna Maria Adorni husat i bin statim Kongrikesen bilong Henmeidens bilong Bleset Mary Immaculate, na institute bilong ol Guit Sefed. Prifek bilong Kongrikesen bilong komiti i glasim na skelim ol lain bilong santuim, Asbisop Angelo Amato i bin makim Pop Benedict 16 long dispela seremoni.

"Sapos i gat wanpela man o meri i stap long dispela wol i amamas, em mi tasol," Mada Maria Adorni i save tok olsem. Bihain long man na olgeta pikinini bilong em i bin dai, mama ya i bin strongim wok long sios, kamap wanpela Katolik Sister na taim em i gat 52 krismas, em i bin statim wanpela kongrikesen bilong ol Sister na skul ol i kolim Gut Sefed.

Man i go pas long wok bilong santuim em i tok Mada Maria Adorni em i gutpela piksa bilong ol yangpela Kristen, ol mama na fauna.

Taim em i gat 15 krismas, em bin laik kamap wanpela Kapusin Sister, tasol mama bilong em i bin strong long em i mas marit. Olsem na em i bin maritim Antonio Domenico Botti we em bin laikim tumas na i gat 6-pela pikinini long en, tasol em bin dai taim Mada i bin gat 39 krismas tasol. Ol pikinini i bin dai taim krismas bilong ol i stap namel long 3-pela mun na 16 yia.

Tasol maski ol hevi na sori samting i kamap long laip bilong em, Mada Anna Maria i no lusim hop o bilip bilong em.

Em bin strongim wok long go lukim ol kalabus lain olgeta taim na mekim ol olsem ol pikinini bilong em. Mekim na planti meri i bihainim pasin bilong em na fomim wanpela yunien bilong ol meri i save go lukim na givim spiritual na fisikel sapot long ol kalabus lain.

Long kongrikesen bilong ol, ol Sister i strongim wok long helpim ol meri we man i lusim ol, ol lain i stap long hevi, nogat haus na ol lain we i nogat papamaga.

Nius long pasin holi bilong Maria i go aut long planti lain na ol i bilip olsem 60-pela mirakel i kamap bihainim pre bilong helpim i go long en.



Piksa i soim Bleset John Mazzuconi dai long han bilong sif.

olsem God i singautim long sevim sios. Na tu, em i ken strongim tingting bilong ol lain seminari na ol yangpela pipel long kam gut na kamap ol witness bilong Jisas na Gospel bilong em. Ol i ken kamap olsem ol misinari long ol yangpela pren bilong ol," Bisop Francesco Panfilo PIME, bilong Alotau/Sidea

Katolik Daiosis i tok.

Bihain tasol em i kamap pater, yangpela Bleset John Mazzuconi wantaim wanpela grup pater i bin strongim tingting na laik long kamap ol misinari long ol longwe ples husat i no harim yet Tok bilong Bikpela.

Olsem na long Mas 1852, em wantaim 4-pela yangpela pater

na narapela tupela bruder i bin lusim Itali i kam olsem long Australia long wanpela sip ol i kolim Gesel. Na 6-pela mun bihain long Septemba, ol i bin kam kamap long Woodlark na Rook (nau Umboi) Ailan.

Ol no bin save long kain stap long ol pipel long ailan ya bikos ol pipel i birua long ol misinari long wanem, ol i strongim ol kastom bilip bilong ol yet. Na olsem, ol bin rausim na kilim dai sampela ol Maris misinari husat i go long ailan pastaim long kirapim lotu long ol pipel.

na taim yangpela Pater John na lain bilong em i bin go bek namba tu taim long ailan, sif bilong ailan yet i bin go antap long sip tasol Pater John i bin ting olsem man ya i mas go antap olsem pren. Tasol nogat, em i haitim tamiok long gras sket bilong em na taim em i go sekanim pater, kwiktai em i autim tamiok na katim het bilong em. Na sios i bin gat nupela matir o man i dai long bilip bilong em.

Nau i dai Pop John Paul 2 i bin santuim pater long kamap Bleset John Mazzuconi long Februeri 1985.

Santuim Kadinel Henry Newman pulim planti pipel

MOA long 70,000 bilip man-meri bilong Katolik, Angliken na ol narapela sios i bin bung long bikpela lotu i bin kamap long Birmingham, Ingran taim Pop Benedict 16 i santuim Asbisop Henry Newman.

Dispela em long wokabout bilong Pop Benedict 16 I go long Ingran tupela wik I go pinis

Namel long ol dispela pipel, ol bisop bilong Ingran na Weils, ol memba bilong Royel Famili, ol bikman long gavman, ol famili na hauslain bilong nau i dai moa long 100 yia i go pinis Kadinel Newman i bin stap long santuim lotu seremoni bilong Kadinel.

Kadinel Newman i wanpela long ol we Katolik Sios i luksave long em long gutpela wok em bin mekim long sios, komyuniti na kantri taim em i stap laip long sait bilong Kristen yuniti, saveman olsem wanpela tiolojen, edukesenis, tisa na raita na lukluk long sevim ol तरंगु.

Wanpela mirakel i kamap long Dikon Jack Sullivan i kamap orait long sik we baksait bilong em i save pen bikos em i save pre long helpim bilong Kadinel Newman i wanpela long ol samting i strongim sios long santuim em.

Kadinel Newman i bin wanpela Angliken Sios memba na pater bipo em i lusim na go joinim Katolik Sios.

Long wokabout bilong em, Pop i bin bung wantaim ol Katolik na Angliken Bisop, ol Katolik skul na ol sampela man na ol famili bilong ol we i bin bungim hevi long pasin i no stret long han bilong sampela Katolik pater long Ingran.

Taim Pop i bung, pre long hiling na belgut pasin i kamap na sea wantaim ol dispela lain na famili bilong ol, em i bin autim tok sori long ol na tok sios i mekim ol wok painim long dispela na bai ol dispela kleji i wokim asua bai kam aninit long lo.

Long bung wantaim ol Katolik edukesenis na moa long 4,000 sumatin long Spots Arina long Sen Mary's Yuni-vesiti Kolis long Twickenham, bikpela toktok bilong Pop Benedict 16 em long save we ol sumatin i kisim i mas helpim olgeta eria long laip bilong ol long bihainim gutpela pasin na luksave na bihainim Bikpela. Na i no bilong kisim gutpela save tasol long helpim ol i kisim gutpela wok na samting.

Bikpela samting we Pop Benedict 16 na hetman bilong Angliken Komyunien long Ingran na wol, Asbisop bilong Kenteberi Rowan Williams na ol narapela sios lida i bin toktok long bung bilong ol em strongim yuniti na wok ekumenisim namel long ol,

Chiara i gutpela piksa long ol yangpela

Stori i kam long Zenit Nius Ejensi, Vatiken

WANPELA gutpela stori bilong wanpela yangpela pikinini meri i gutpela Katolik na i bin dai long 1990

taim em i gat 18 yia tasol i bin kisim luksave long kamap santu long las wiken Sarere.

Chiara Badano i bin wanpela nupela jeneresen pikinini meri i save laik singsing, danis, pilai tenis na skeit

inaip sik kensa i kisim laip bilong em na em i dai 20 yia i go pinis.

Em i wanpela pikinini tasol long wanpela famili bilong kantri Itali (Italy) we mama i karim em long yia 1971, bihain long 11 yia marit na nogat pikinini.

Mama bilong em, Maria Teresa Badano (na papa Ruggero) i tok pikinini i billong God pastaim na olsem, ol i mas skulim em tasol ol i rispektim laik bilong em.

Long yia 1981, Chiara i bin painim Focolare Muvmen em Nu Jeneresen muvmen bilong ol yangpela pipel.

Wanpela pren bilong em i bin mekim em i kamap hap bilong dispela muvmen.

Meri i go pas long wok bilong santuim Chiara Badano i tokim Zenit Nius olsem as bilong dispela em bikos

Chiara i save putim Jisas paslain olgeta taim. Em i save kolim em "man bilong mi".

Olsem yangpela pikinini meri, em save laik singsing, danis, pilai tenis na skeit. Em save laikim maunten na solwara. Na em i save traim long go long sios olgeta de. Tasol wanpela de, taim em i gat 17 krismas, em i wok long pilaim tenis na skeit i stap taim em i pilim bikpela pen. Na taim em i go bek long haus hariap, mama i askim em watpo, pikinini meri i tok taim em i pilai, em i pilim strongpela pen long baksait.

Sik i go bikpela na nogut na taim ol dokta i sekim em, ol i painim olsem em i gat kensa bilong bun. Em i save stap long bikpela pen tasol olgeta taim, em i save beten long Jisas na tok, "Long yu Jisas. Sapos yu laik, mi tu!"

Ol dokta i katim lek

bilong em n a taim bikpela pen i kisim em, em i tok," sapos ol i askim laik bilong mi long wokabout o go long paradais, mi bai hariap tok mi laik go long paradais".

Pren bilong em na meri i bin statim Focolare Muvmen em Chiara Lubich i tok taim Chiara Badano i stap long bikpela pen, em i redim em yet long bungim Jisas. Long laspela taim klostu em i go na em i stap long

bikpela pen, em i no krai tasol em i lukluk long piksa bilong Jisas.

"Em i redim funere bilong em, ol singsing long funere lotu, dres ol bai putim long em na kain stail long gras bilong em.

samting i bilong selebresen bilong em na planim em long waitpela dres olsem nupela marit i go long bungim Jisas," pren bilong em i tok.

Las askim long mama bilong en, Chiara i tokim em long tok tripela taim em i dresim em," Chiara i lukim Jisas". Em bin askim mama tu long donetim tupela aibal bilong em i go long tupela yut.

Sainim tok orait pepa bilong Ramu oil na ges bai go het

Michael Novingu i raitim

TUDAK i pinis, lait i kam nau long ol pipel bilong Musak, Banam, Igo, Bil, Dunuba, Gebsau na ol arapela ples i stap long Usino distrik na Raikos Distrik bikos tok orait (MOU) ol i sainim pinis long kirapim wok long ges na oil long graun bilong yupela.

Sainim bilong Sagi papa graun asosiensen Gabriel Aimai na Eksektiv bilong en Tony Tomongo i tokaut olsem ol i sainim tok orait pepa wantaim wanpela Australia em Eneji Wol Koporesen (Energy World Cooperation) long wok bai i go het.

Long taim bilong sainim tok orait ol papa graun na siaman bilong Eneji Australia Steward Elliot i stap long dispela bung.

Long wankain taim gavana bilong Madang Se Arnold Amet, bosman bilong PNG Power Lawrence Solomon, bosman bilong BSP Bank na ol arapela bikmanmeri bilong Madang provinsel Gavaman i stap long lukim dispela tok orait pepa ol i sainim long kamapim projek long go het.

Aimai i tok dispela em i bikpela samtung long sindaun bilong ol manmeri long dispela hap bikos nogat gavman sevis i go long na ol i stap

long tudak.

Em i tok oil na ges ol i painim long 70s tasol nogat wanpela kampani i laik divelopim. Dispela Australia kampani i givim 20 pesen ikwiti i go long ol papagraun long dispela projek long ol bai stap insait long en.

Long makim maus bilong ol papagraun, Aimai i tok amamas long Elliot wantaim lain bilong em long Australia na ol arapela lain i helpim long lukim dispela projek wok i kamap.

Aimai i tok MOU saining i tok orait long ol papa graun na developa long wok bung wantaim long trupela na stretpela pasin long kirapim wok

long projek i go het.

Em i tok ol papa graun i mas stretim hevi bilong graun na larim wok mas go long kisim sevis igo long ol manmeri i stap long hap bilong ol.

Noken yusim politik long stopim wok bilong projek long go het na bihain sindaun bilong ol manmeri.

Aimai i tok ol divelopa bai respektim lo bilong kantri bilong mipela long karimaut bai go het.

Wanbel pasin i mas stap namel long papagraun na divelopa long karimaut wok bilong projek. Sapos i gat hevi i kamap bihainim trupela na stretpela pasin long stretim hevi Aimai i tok.

Kot i tok Bulolo kea senta i no gutpela

Michael Novingu i raitim

BULOLO Distrik Kot i odarim Bulolo Kea Senta long rausim ol Sepik setla i stap long hap namel long tripela ten de (30 days) bikos hap ol i stap long en i no gutpela, bagarap pinis, na ol manmeri i stap long hap i ken kisim sik.

Dispela kot oda ol i givim long ol dispela difenden, Gavana bilong Morobe Luther Wenge, memba bilong Bulolo Sam Basil, Morobe provinsel administreta Kemasang Tomala, Bulolo Distrik administreta, na Lae Distrik Disasta kodineta long rausim ol sepik setla

i go sidaun long arapela hap.

Bulolo komyuniti jastis kodineta Kas Andvari, i makim maus bilong ol setla i stap long Kea Senta i go long kot.

Bihainim ripot bilong Bulolo taun helt Atoriti i painim olsem Kea Senta i no fit long ol manmeri i sindaun long en.

Mista Andvari i tok, em i mekim dispela bikos ol Gavman Atoriti i no lukautim sindaun bilong ol Kea Senta we ol i kisim taim nogut.

Em i tok kot i givim faivpela oda na long 13th Oktoba bai kot i mekim disisen long Gavman i mas karimaut ol dispela ol oda:

1. Bulolo Kea Senta ol i mas pasim long Septemba 28 namel long tripela ten (30 days) de.
2. Senism ol kenvas i bruk pinis.
3. Gavman Atoriti mas givim kaikai long ol lain i stap long kea senta.
4. Rausim ol lain i stap long kea senta long Bulolo i go long arapela hap, bihain salim ol i go bek long asples bilong ol.
5. Dispela kot bai kamap long Oktoba 13th long harim gen.

Bosman bilong Helt Atoriti long Bulolo taun, Atoriti Yanopa Mailong i tok, wok painimaut em i kari-

maut i painim olsem wara saplai igo long kea senta i no gutpela, smel nogut i kamap, ples i gat planti moskito i gen kamapim sik.

Misis Marong i tok, ol lain i stap long kea senta i no kisim gut kaikai ol i lusim skin bagrapim skin bilong ol. Em i tok 14-pela pit toilet i pulap, ol manmeri i yusim bus na arere long rot long pekpek bai kamapim sik.

Misis Marong i tok sapos ol gavman atoriti i no bihainim ripot bilong em long helpim ol setla sik nogut bai kamap long bagarapim sindaun bilong ol.

Kensa bi-long susu i kamapim hevi long marit laip

WANPELA stadi ol i kari-maut long Australia i soim olsem ol meri i gat kensa bilong susu i bungim hevi long marit laip laip bilong ol. Dispela em long pasin bilong slip wantaim ol man bilong ol.

Profesa Susan Davis na Robin Bell bilong Wimens Helt Progrem wantaim Monash Yunivesiti long Melbon i go pas long namba wan wok stadi long dispela salens we moa long 1,700 meri i bin kisim operesen bilong susu bikos long sik kensa.

Risets i painimaut olsem 83 pesen long ol meri i bin tok bipo long ol i painaut olsem ol i gat sik kensa long susu, seks laip bilong ol i orait, tasol bihain, em nogat.

Tupela yia bihain long sik i stap wantaim ol, 70 pesen long ol meri i tok seks laip bilong ol i no gutpela na i bungim hevi, ripot i tok.

Favourite Noodle Ideas

Long 25 Yia Yumi Laikim Stret

MAGGI® Noodles, Chicken & Vegetable Soup (Serves 8) (Energy per serve = 2390kJ)

Ingredients

- 4 pkts of MAGGI® Noodles
- 2 pieces of chicken breast (diced, without skin)
- 8 cups of mixed vegetables
- 2 garlic cloves
- 1 piece of ginger root
- 1 cup of MAGGI® Coconut Milk
- 1 MAGGI® Kakaruk Cube
- 2 Tbsp of cooking oil

Method

1. Cook MAGGI® Noodles in 1.8 litres of boiling water for 2 minutes.
2. Heat oil in a frying pan or pot, add garlic and ginger and sauté for 1 minute. Add chicken and cook until brown. Add vegetables and cook for 2 minutes. Add MAGGI® Coconut Milk and MAGGI® Kakaruk Cube. Bring to the boil. Add noodles and seasoning, stir through. Enjoy!



HARIAP LONG KUKIM, GUTPELA LONG KAIKAI

Maggi



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

PNG: Sik kolera i kamap gen long Papua Niugini

SIK Kolera i kamap gen long Papua Niugini.

Ol helt opisal i tok ol i painim fopela pipel i gat dispela sik long Yangoru distrik long Is Sepik provins.

Maski liklik namba tasol i gat dispela sik, ol i gat bikipela wari olsem em bai nap kalap i go long ol narapela ples, bihain long tri tausen pipel long sampela provins i bin kisim dispela sik long yia i go pinis, na 40 pipel i bin dai.

Sekreteri bilong Helt Dipatmen bilong PNG, Dokta Clement Manau, i tok as bilong dispela sik em olsem ol i no save lukautim gut sindaun bilong ol long ples o nogat gupela pasin haijin.

AFGANISTAN: Gavman i rausim ol sekyuriti bisnis

GAVMAN bilong Afganistan i tok olsem em i stat pinis long sopim ol praivet sekyuriti bisnis long kantri, taim em i bin pasim etpela kampani.

Gavman i tok dispela em i gutpela nius bilong ol pipel bilong Afganistan, bihainim ol tokwin olsem ol dispela sekyuriti kampani i save wok olsem ol liklik lain trabelman.

White Eagle Security Services, em i save wok long biktaun, Kabul i wanpela long ol bisnis em ol i pasim pinis.

Man husat i papa bilong dispela kampani, Sayed Maqsud, i bin tokim ABC Connect Asia progrem olsem dispela i bagarapim stret sindaun bilong ol wokman bilong em.

THAILAND: Gavman i surikim ken imejensi long tripela mun moa

GAVMAN bilong Tailen (Thailand) nau i surikim gen taim bilong imejensi loa long biktaun Bangkok na tripela narapela provins em ol i stap klostu long Bangkok inap long narapela tripela mun.

Ol i bin kamapim dispela strongpela loa long mun Epril, bihainim ol trabel em lain bilong ol Red Shirts i bin mekim agensim gavman.

91 pipel i bin dai long ol pait em i bin kamap namel long ol protesta na ol soldia.

Long Fonde long wik i go pinis, Praim Minista Abhisit Vejjajiva i bin sainim wanpela oda bilong rausim dispela strongpela loa long tripela provins em ol i stap long Not Is bilong kantri.

Khon Kaen, Udon Thani na Nakhon Ratchasima em tripela provins em ol dispela Red Shirt lain i save stap long en.

Ol Komonwel opisal i no wanbel

OL OPISAL bilong Australia Komonwel Gems tim long Delhi i no amamas wantaim pasin em India i bin



I NONAP: Ol lain manmeri long taun Kintyre long Kingston, Jamaica i sanap antap long bris na lukluk long hap wara i bin tait na brukim long Trinde. Tropikal stom Nicole i apim mak bilong wara na brukim graun long Jamaica long Trinde. Tupela i dai na 12-pela moa manmeri i lus (*AP Poto i kam long AAP Images*).

mekim long ol long taim bilong opening seremoni long Delhi.

Ol i tok ol i bin mekim ol etlit o manmeri bilong pilai, olsem ol bulmakau.

ABC niusman John Taylor i ripot olsem Australia i bin namba wan kantri long go insait long Jawaharlal Nehru stedium long seremoni bilong opim ol pilai.

Tasol ol i tok, maski ol i bin namba wan kantri long go insait long stedium, dispela i no bin olsem ol i bin namba wan tru tru o kantri i winim olgeta ol arapela.

Chef de mission, Steve Monegetti i tok ol i bin putim ol etlit long wet long wanpela ples em i bin hat tru olsem paia inap long tupela awa.

Mista Monegetti i tok em i bin wet inap em i bin nap long toktok wantaim ol lain husat i bin redim dispela gems pastaim em i bin sutim ol strongpela toktok agensim ol.

Etpela Pasifik kantri i sanapim nupela tambu bilong pulim pis

ETPELA kantri bilong Pasifik em ol i gat planti pis tru i tokaut pinis olsem bai ol i surikim bikipela tambu em ol i bin putim long stopim ol narapela kantri long painim pis long ol bikipela solwara.

Jemima Garrett i ripot olsem dispela tingting bilong ol i hap long bikipela laik na wok bilong ol long lukautim gut mak o stok bilong ol bigeye na yellofin tuna.

Astingting bilong dispela tambu em bilong stopim ol bikipela kantri husat i save laikim pis tumas olsem Saina, Japan, Taiwan, Saut Korea na Amerika.

Stat long yia 2011, bai ol i stopim ol

pes sain pising bot long painim na kisim pis long wanpela hap bilong ol bikipela solwara long sentral Pasifik em bai stat long 10 digris not bilong ikweta na 20 digris long saut bilong ikweta.

Ol pising bot husat bai brukim dispela tambu, bai ol i no nap givim ol laisens long painim pis moa insait long ol eksklusiv ekonomik zon bilong ol dispela etpela kantri.

Tokman bilong ol dispela kantri, Maurice Brownjohn, i tok olsem, ol i bin kamapim dispela tambu long wanem Westen na Sentral Pasifik Piseris Komisin i no bin mekim wanpela gutpela wok bilong lukautim ol tuna pis.

Solomons gavman i go het long senisim krait loa

SOLOMON Ailans nau i wok long go het long senisim ol loa bilong bel isi i go long ol pipel husat i save kamapim ol bikipela trabel o krait, wantaim ol pipel husat i bin kilim ol narapela long taim bilong trabel o etnik tensen long kantri.

Dispela etnik trabel i bin kirapim wok bilong salim Rijinel Asistens misin i go long Solomon Ailans o RAMSI.

Australia i bin go pas long dispela wok.

Wanpela Truth na Reconciliation Commission em ol i bin kirapim long 2009 nau i wok long harim stori bilong ol pipel husat i bin bungim hevi long dispela trabel, em i bin fosim samting olsem 20 stori bilong ol pipel husat i bin bungim hevi long dispela trabel, em i bin fosim samting olsem 20 tausen pipel long ronawe lusim biktaun Honiara.

Nupela gavman bilong Praim Minista

Danny Philip i wok long tingting long kamapim wanpela loa em givim wanbel long ol trabelman o fogivnes bil.

Tasol em i bin tokim Age Niuspepa bilong Australia, olsem dispela bil bai no nap min olsem bai ol i lus tingting olgeta long pasin em sampela pipel i mekim long kilim ol narapela pipel. Em i tok ol i no nap givim wanbel o bel isi long yu sapos yu kilim wanpela polisman, wanpela lida bilong lotu, ol pikinini na ol meri.

Bosman bilong Fiji Times i lusim wok

BOSMAN bilong Fiji Times husat i save mekim planti strongpela toktok tumas, i lusim wok pinis, wanpela mun bihain long gavman i bin fosim kampani long salim niuspepa bisnis.

Pablisa bilong Fiji Times, Dallas Swinstead, i tok Netani Rika, i lusim wok bilong em bihain long sampela i save tok olsem em i no save laikim gavman.

Long mun i go pinis, News Limited, kampani bilong Rupert Murdoch i bin salim Fiji Times i go long bikipela lain bisnis kampani em ol i kolim long Motibhai we i stap long Nadi. Ol i no bin tokaut long hamas moni tru ol i bin baim Fiji Times long en.

Ol i bin salim dispela niuspepa long wanem military gavman bilong Frank Bainimarama i bin kamapim loa olsem 90 pesen long ol bisnis long Fiji em ol pipel o kampani yet bilong Fiji i mas papa long ol.

Pablisa bilong Fiji Times, Dallas Swinstead i tok Fred Wesley bai kisim wok olsem bosman o edita bilong Times na Sunday Times.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



WANTOK
KOMENTRI
Skulim gut ol pikinini bilong yumi

SAPOS wanpela lain ol pikinini bilong yumi long PNG i tingting na bihainim stret skul ol papamama bilong ol i givim ol, bai ol i gat sans long senisim pasin na tingting bilong yumi olgeta.

Olgeta yia, ol skul sumatin na pikinini bilong yumi i save sindaun long skul na mekim ol bikpela tes long gret 10 na gret 12.

Ol dispela pikinini, planti taim, ol i gat luksave pinis long wanem samting ol i laik mekim long laip.

Insait long klasrum, ol i lainim samting long opim tingting bilong ol, na strongim save bilong ol long mekim samting na painim gutpela sindaun.

Ausait long klasrum, em i ples we ol papamama na famili i mas strong long stiaim ol gut, na givim ol gutpela tok tok bai ol i ken harim na bihainim.

Sapos ol pikinini bilong yumi i no kisim dispela kain skul tok ausait long klasrum, bai ol i mekim long laik bilong ol yet, o nogat, bai ol i bihainim pasin bilong ol arapela pikinini husat i save laik bikhet tumas.

Yumi olgeta i save long strong bilong pasin bikhet. Planti taim, em i liklik bikhet pasin tasol taim ol i liklik. Tasol taim ol i kamap bikpela manmeri, dispela kain bikhet pasin na luksave tu i ken daunim ol.

Em i ken daunim ol long wok, we ol i no save wari long kamap long opis long taim, o long lukautim gut ol kar o samting bilong opis o bisnis ol i wok long en.

Na moa yet, taim tingting bilong mekim pasin nogut o stil i kamap long ol, bai ol i mekim tasol.

I nogat wanpela skul tok stia i stap bai ol i ken tingim, na senisim tingting. Nogat.

Long dispela as, yumi olgeta papamama i mas luksave olsem tok stia yumi givim, i ken helpim yumi long kamapim ol gutpela manmeri bilong bihain taim.

Planti taim, ol papamama i save tingting tumas long ol yet, na ol i no save tingim olsem ol pikinini bilong ol bai inap long kamap ol bikman na meri long bihain.

Na sapos ol i kamap ol bikman na meri, bai yu laikim ol long bihainim pasin ol yet i painim taim yu no givim gut skul long ol? Nogat. Save nau i stap yet long ol papamama na famili long mekim samting stret bilong oraitim bihain taim bilong yumi olgeta.

Taim bilong wanbel na sanap wantaim

GUTPELA long lukim olpela Gavana bilong Sauten Hailans provins Hami Yawari i kamapim gutpela toktok na tingting long sapotim Gavana bilong em, Anderson Agiru, bihain long tupela bin salens longpela taim tru long ol kainkain kot bilong ileksen i kam.



Yumi ken lukim olsem kot salens bilong tupela em long pasin bilong politiks tasol na i no long wanpela samting bilong tupela yet stret olsem mani o kago. Tupela wok long tok pait go kam long politiks bilong provins na tu long ol bikpela projek na sevis bilong ol pipel long provins.

Em pasin bilong ol lida we ol save oltaim toktok na salens go kam bikos ol laik lukim gutpela senis na wok i kamap long sevim ol pipel na provins.

Dispela em wanpela kain stail bilong politiks we sampela lida bilong bipo save mekim. Long sait bilong Morobe provins, bai yu lukim o

harim olpela memba bilong Makam Andrew Baing save paia wantaim Gavana Luther Wenge na memba bilong Lae Bart Philemon. Tasol bihain long miting, ol save sanap wantaim na strongim tingting long pait long kisim sevis na developmen go long ol pipel bilong Morobe provins.

Oposisen lida Sir Mekere Morauta wantaim olpela Praim Minista Leit Sir Bill Skate save tok hat go kam bikos tupela laikim sevis mas go long ol pipel bilong Nesenel Kapital Distrik (NCD). Narapela stap long Gavman na narapela stap long Oposisen tasol pasin bilong tok salens long palamen em bilong painim rot bilong kisim sevis na helpim go long ol pipel bilong tupela.

Wankain pasin save kamap long planti memba long bipo i kam olsem na dispela i no nupela pasin yumi lukim nau Mista Yawari soim sapot bilong em long Gavana Agiru.

Tupela gat bikpela projek tru kamap long provins bilong tupela olsem na ol mas lusim pasin kros na salens na wok wantaim nau bikos dispela bikpela projek bilong LNG bai kamaut stret long graun bilong tupela long Sauten Hailans provins.

Dispela wanbel na poroman bilong tupela nau inap lukim ol dispela bikpela projek bai kamap gut na ron gut na pulim planti mani na sevis wantaim developmen go long ol pipel bilong tupela.

Ol gat nupela Hela provins pinis olsem na dispela inap pinisim salens bilong politiks namel long sia bilong Sauten Hailans provins long 2012.

Long floa bilong palamen em ples bilong ol memba long kros pait long kisim sevis na helpim go long ol pipel bilong ol.

Kain salens olsem em gutpela bikos ol lida i soim aut klia wanem hevi na wari bilong ol pipel i stap.

Dispela rot tasol ol pipel save kisim luksave bilong Gavman long skelim mani na tromoi go long ol projek na sevis bilong helpim ol pipel long ples.

Gutpela long ol memba husat save gat kain kros na salens wantaim narapela narapela long provins bilong ol yet long lusim nau na bungim tingting wantaim nau long kisim sevis na developmen go long ol pipel bilong ol.

Tingim, 2011 em no taim bilong kros pait na salens moa. Em taim bilong kempen ya. Sapos husat memba i redim pinis ol mani na plen bilong kamapim ol projek bilong ol long neks yia, em bai laki long winim bek sia bilong em long 2012.

Sapos ol birua na salens salens yet, sori bai nogat wok i kamap na pipel bai putim yu stret long mak bilong lus.

WANTOK

Published Weekly, Thursday, for Word Publishing Company, Ltd
 P.O. Box 1982, Boroko, NCD
 Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public's interests at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Program bilong Wanwan De



Mande - Fraide

6am - 10am - Sankamap show - Host: KAS.T
 6:15am - Komuniti Notis Bod
 6:30am - Nius Hetlains / Bondei grittings
 Trukai Rais - GES FAIA KOMPETISEN
 6:45am - Niuspepa Hetlains
 7:00am - Major Nius Bulletin - YUMIFM Nius Senta
 7:15am - Toktok sapolim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapat b'long TELIKOM
 12:15pm - Komuniti Notis Bod
 12:20pm - BELO Taim - wantaim sapat b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapat b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fonde) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - NIUS - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hetlains
 4:45pm - YUMI PANIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.

Weekend Shift - Saturday & Sunday
 6:00am - 11:00am - Wiken Sanrais
 6:30am - Komuniti Notis Bod - Bondei grittings
 7am - 9am - Wiken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Turner (KAS.T) Arifeae - Team Leader / Program Director
 Angra KENNEDY - Senior Announcer
 Sinimil (Vaviessie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Famili Blong Serah (Redio Plei)
 8PM Lukluk Bek Long W'ik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru...

Vok Kiatig mas pairap gen wantaim Shydeez

James Kila i raitim

MI BIN stap liklik boi long hai skul long Madang taim mi save lukim dispela stail singa bilong Nobnob i singsing wantaim grup bilong em Shydeez. Dispela stail man em Vok Welky Kiatig na dispela 'mam' ya i save singsing got tru na planti ol lain i save mangalim tru nek bilong em taim em i singsing ol wait man singsing.

Mi save raun i go long Nagada plentesin na tu long Kristen Pres (KPI) long stap wantaim kandre

bilong mi Danip, husat i save wok long hap na long dispela taim Shydeez save pairap long Nagada. Sampela taim mi save go sindaun long sait tru na putim ai long dispela man i singsing.

Yes, bihaih long sampela yia Vok i go wantaim grup bilong em na rekot long Chin H Meen Studio long Mosbi na bihain ol i muv i go long asples taun bilong ol long Madang

na rekotim dispela albam bilong ol we i mekim planti lain i mangalim tru ol song olsem 'Aiwara' Ana Dahil na Abi Subum.

Yes, planti ol lain sapota o lain husat i save laikim tru musik bilong Shydeez i no harim em pairap gen. Tasol planti lain i

laikim tru olsem Shydeez i mas kambek gen wantaim

Wantok Niuspepa i toktok wantaim planti ol lain husat i save skin kirap long harim musik bilong Shydeez na ol i tok ol dispela stail grup bilong Nobnob viles mas kambek gen.

93FM YUMIFM National Weekly Hit Parade:
 Sponsor: Digicel - bigger, better network.
 Produced & Host by: Kas.T
 Statisticians: Talaigu Sople & Poroman Crew
 Week Ending: Saturday - 09th October 2010

Week Before	Last Week	This Week	Charting Song:	Artist:
2	1	1	Ayalavu Thun	Viginuts
4	4	2	Ahot	Choking Band
3	3	3	No Melo Vade	Reggie
10	7	4	Wewak	Talk One 9
19	11	5	Invisibile Love	Jay West
6	5	6	Luv lain	DJ AAR
9	8	7	Halia	Nigans
8	6	8	Pilstar	Irapens Band
9	19	9	Gole	DMP
5	10	10	Olema	Reggie
1(3)	2	11	Live Struck	Jokema
7	9	12	First Time	Loose fruits
17	13	13	Angel	Pitzy Mares
11	12	14	Rena Mama	Jokers 21
12	14	15	Nanku	Reggie
0	0	16	Meri Sunam	Chris Stone ft Nathan Nakikan
0	0	17	Love	Reggie ft Radley & Georgina
18	18	18	Bona falogu keken	Pomeis of Gofala
14	15	19	Bida	Sharzy ft Delah
20	20	20	Lese Mori	Britsie
			Song In: Love	Reggie ft Radley & Georgina
			Meri Sunam	Chris Stone ft Nathan Nakikan
			Song Out: Mij Enga Province	Choke Band
			Galt'dun gal mere	Cool C



Stail singa bilong Shydeez i mekim save singsing long stes long Mosbi sampela taim i go pinis.

EMTV Television Guide

FONDE, OKTOBA 7 2010		MILLIONAIRE - HOT SEAT		10.10am - Grade 7 Science		10.00PM M 20 TO 1: Hollywood Heavy weights		6.29AM STATION OPE	
4.59AM STATION OPEN	6.00PM G NATIONAL EMTV NEWS	11.00am - Grade 8 Mathematics	10.00PM G THE 19TH COMMONWEALTH GAMES HIGHLIGHTS	11.00am - Grade 8 Science	10.40PM G NATIONAL EMTV NEWS REPLAY	6.30AM G IT IS WRITTEN:	10.00PM G THE 19TH COMMONWEALTH GAMES HIGHLIGHTS	7.00AM G HILLSONG	6.30AM G NATIONAL EMTV NEWS
5.00AM G JOYCE MEYER Religious program	7.00PM G SPORTS SCENE	12.40pm - Grade 6 Mathematics	11.20PM AUSTRALIA NETWORK	7.27PM G EMTV TOK SAVE	11.20PM G THE 19TH COMMONWEALTH GAMES HIGHLIGHTS	7.30AM AUSTRALIA NETWORK	11.20PM G THE 19TH COMMONWEALTH GAMES HIGHLIGHTS	7.30AM AUSTRALIA NETWORK	7.00AM G NATIONAL EMTV NEWS
5.30AM G TODAY	7.30PM G RAIT MUSIK	1.30pm - Grade 6 Science	SARERE, OKTOBA 9 2010	7.30PM G THE 19TH COMMONWEALTH GAMES HIGHLIGHTS	4.30PM G THE 19TH COMMONWEALTH GAMES HIGHLIGHTS	5.00PM G THE 19TH COMMONWEALTH GAMES HIGHLIGHTS	5.30PM G MXTV	7.30AM AUSTRALIA NETWORK	6.00PM G NATIONAL EMTV NEWS
9.00AM EMTV PRIME TIME LINEUP CLASSROOM BROADCAST	8.30PM G THE 19TH COMMONWEALTH GAMES HIGHLIGHTS	2.30PM - DEPI Training	THE 19TH COMMONWEALTH GAMES HIGHLIGHTS	9.20am - Grade 7 Mathematics	3.00PM G G2G: GOT TO GO	5.00PM G THE 19TH COMMONWEALTH GAMES HIGHLIGHTS	6.00PM G NATIONAL EMTV NEWS	5.00PM G THE 19TH COMMONWEALTH GAMES HIGHLIGHTS	6.30PM G DIGICEL STARS (NEW SERIES) - A brand new exciting singing competition. Each week competitors unleash their raw talents before a panel of judges. There will be excitement as well as disappoints as competitors go through the steps to realising their dream in winning the cash prize of PGK10,000 as well as a recording contract.
9.20am - Grade 7 Mathematics	LIGHTS	2.30PM - DEPI Training	THE 19TH COMMONWEALTH GAMES HIGHLIGHTS	10.10am - Grade 7 Science	3.30PM G THE KINGDOM OF PARAMITHI	7.30PM G THE 19TH COMMONWEALTH GAMES HIGHLIGHTS	6.00PM PG AUSTRALIA'S FUNNIEST HOME VIDEO SHOW	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
10.10am - Grade 7 Science	Highlights of the Pacific countries at the Commonwealth Games in Delhi, India.	3.00PM G THE KINGDOM OF PARAMITHI	THE 19TH COMMONWEALTH GAMES HIGHLIGHTS	11.00am - Grade 8 Mathematics	4.00PM G PARALLAX	8.30PM G IN MORESBY TONIGHT	7.30PM G THE 19TH COMMONWEALTH GAMES HIGHLIGHTS	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
11.00am - Grade 8 Mathematics	9.30PM PG ELITE MUSIC ZONE	4.00PM G THE SHAK	THE 19TH COMMONWEALTH GAMES HIGHLIGHTS	11.50am - Grade 8 Science	4.30PM G THE SHAK	8.30PM G IN MORESBY TONIGHT	8.30PM G THE 19TH COMMONWEALTH GAMES HIGHLIGHTS	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
11.50am - Grade 8 Science	10.00PM G THE 19TH COMMONWEALTH GAMES HIGHLIGHTS	4.57PM G EMTV TOK SAVE	THE 19TH COMMONWEALTH GAMES HIGHLIGHTS	12.40pm - Grade 6 Mathematics	5.00PM G THE 19TH COMMONWEALTH GAMES HIGHLIGHTS	9.00P G THE 19TH COMMONWEALTH GAMES HIGHLIGHTS	9.00P G THE 19TH COMMONWEALTH GAMES HIGHLIGHTS	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
12.40pm - Grade 6 Mathematics	10.30PM G NATIONAL EMTV NEWS REPLAY	5.00PM G THE 19TH COMMONWEALTH GAMES HIGHLIGHTS	THE 19TH COMMONWEALTH GAMES HIGHLIGHTS	1.30pm - Grade 6 Science	5.29PM G EMTV NEWS UPDATE	10.00PM PG PORTRAITS OF A NATION	10.00PM PG ELITE MUSIC ZONE	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
1.30pm - Grade 6 Science	11.00PM Australia Network	5.30PM G WHO WANTS TO BE A MILLIONAIRE - HOT SEAT	THE 19TH COMMONWEALTH GAMES HIGHLIGHTS	2.30PM - DEPI Training	5.30PM G WHO WANTS TO BE A MILLIONAIRE - HOT SEAT	10.30PM PG ELITE MUSIC ZONE	11.30PM G NATIONAL EMTV NEWS REPLAY	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
2.30PM - DEPI Training	FRAIDE, OKTOBA 8 2010	5.55PM G NATIONAL EMTV NEWS	THE 19TH COMMONWEALTH GAMES HIGHLIGHTS	3.00PM G KIDS KONA	6.00PM G NATIONAL EMTV NEWS	11.30PM G NATIONAL EMTV NEWS REPLAY	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
KIDS KONA	STATION OPEN	6.00PM G A CURRENT AFFAIR	THE 19TH COMMONWEALTH GAMES HIGHLIGHTS	3.00PM G G2G: GOT TO GO	6.30PM G A CURRENT AFFAIR	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
3.00PM G MAGICAL TALES	5.00AM G JOYCE MEYER: Enjoying Every Day Life	7.00PM G SPORTS SCENE	THE 19TH COMMONWEALTH GAMES HIGHLIGHTS	3.30PM G THE KINGDOM OF PARAMITHI	7.00PM G IN MORESBY TONIGHT	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
3.30PM G THE KINGDOM OF PARAMITHI	5.30AM TODAY	7.30PM G EMTV TOK SAVE	THE 19TH COMMONWEALTH GAMES HIGHLIGHTS	4.00PM G PARALLAX	7.30PM G THE 19TH COMMONWEALTH GAMES HIGHLIGHTS	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
4.00PM G PARALLAX	9.00AM EMTV PRIME TIME LINEUP CLASSROOM BROADCAST	8.30PM G THE 19TH COMMONWEALTH GAMES HIGHLIGHTS	THE 19TH COMMONWEALTH GAMES HIGHLIGHTS	4.30PM G THE SHAK	8.30PM G THE 19TH COMMONWEALTH GAMES HIGHLIGHTS	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
4.30PM G THE SHAK	9.20am - Grade 7 Mathematics	8.30PM G THE 19TH COMMONWEALTH GAMES HIGHLIGHTS	THE 19TH COMMONWEALTH GAMES HIGHLIGHTS	4.57PM G EMTV TOK SAVE	9.00PM G THE 19TH COMMONWEALTH GAMES HIGHLIGHTS	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
4.57PM G EMTV TOK SAVE		9.00PM G THE 19TH COMMONWEALTH GAMES HIGHLIGHTS	THE 19TH COMMONWEALTH GAMES HIGHLIGHTS	5.00PM G THE 19TH COMMONWEALTH GAMES HIGHLIGHTS	9.00PM G THE 19TH COMMONWEALTH GAMES HIGHLIGHTS	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
5.00PM G THE 19TH COMMONWEALTH GAMES HIGHLIGHTS		9.00PM G THE 19TH COMMONWEALTH GAMES HIGHLIGHTS	THE 19TH COMMONWEALTH GAMES HIGHLIGHTS	5.29PM G EMTV NEWS UPDATE	9.00PM G THE 19TH COMMONWEALTH GAMES HIGHLIGHTS	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
5.29PM G EMTV NEWS UPDATE		9.00PM G THE 19TH COMMONWEALTH GAMES HIGHLIGHTS	THE 19TH COMMONWEALTH GAMES HIGHLIGHTS	5.30PM G WHO WANTS TO BE A MILLIONAIRE - HOT SEAT	9.00PM G THE 19TH COMMONWEALTH GAMES HIGHLIGHTS	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS
5.30PM G WHO WANTS TO BE A		9.00PM G THE 19TH COMMONWEALTH GAMES HIGHLIGHTS	THE 19TH COMMONWEALTH GAMES HIGHLIGHTS	5.30PM G WHO WANTS TO BE A MILLIONAIRE - HOT SEAT	9.00PM G THE 19TH COMMONWEALTH GAMES HIGHLIGHTS	12.00AM Australia Network	12.00AM Australia Network	5.00PM G THE 19TH COMMONWEALTH GAMES HIGHLIGHTS	7.30PM G THE 19TH COMMONWEALTH GAMES HIGHLIGHTS

TORO



BIABIA



KANAGE



TOKWIN

Haiwe karamapim Sepik

Maprik Haiwe i mekim ol niuslain husat i raun nupela taim tru long i Sepik i guria stret. Haiwe ya i long-pela na karamapim hap bilong Wewak distrik, Yangoru-Saussia, hap bilong Maprik na Wosera-Gawi. Ol niuslain i guria long harim taim ol i ron yet long bas olsem ol i abrusim ol dispela distrik na gohet long ron. Sepik...hau bai yu save?

Tuna bot pas yet long rif

Naispela nambis bilong Wewak i wok long lukim yet wanpela tuna bot i pas

long rif arere tasol long nambis. Dispela tuna bot em bilong wanpela bisnisan em Kwin i givim medol long em, tasol wanem taim bai dispela bikman i tingting long rausim sip long rif. Sir Hugo i stap we?

Madang go bikpela

Naispela Madang taun i wok long gro yet na planti ol nupela developmen i wok long kamap. Planti bisnis i go wokim bisnis long Madang. Tasol taim taun i lukim moa bisnis, ol bikhet pasin tu i go bikpela tai mol yangpela i dring hombru bikos lika ben o tambu long salim bia i stap nau long Madang.

Dinau pasin bikpela long Mosbi

Ol bikpela wok manmeri bilong gavman na tu ol kampani i wok long tuhat nating long wok bikos planti taim mani ol i kisim i save go long bekim dinau.

Ol save kisim mani long lain salim buai long strit na ol mama husat save salim dinau mani.

Sampela taim ol mama i save krosim na tok: "Yupela pipia lain stret wok na dresap nating. Mi pei masta bilong yupela i stap"

Tokwin Tasol...

A 15x15 grid of letters used for a word search puzzle.

Painim ol dispela nem bilong ol animal na binatang:

A list of animal names in Indonesian: ANIS, BULMAKAU, PUSI, PUKPUK, LAUS, PALAI, SIPSIP, MUMUT, BATAPLAI, KAU, KAPUL, LANG, MEME, SNEK, MUSMUS, BIKBEL, KAKARUK, DOK, BLAKBOKIS, GRASOPA, NATNAT, BINEN, MURUK, KOKOROS, DONKI, PAUL, BINATANG, PIK.

A 10x10 grid for a crossword puzzle.

A 10x10 grid for a Sudoku puzzle.

Ansa bilong las wik Pasol

A crossword puzzle grid with some words filled in.

EMTV Television Guide

A detailed television schedule table for EMTV, listing programs, times, and channels for October 11, 12, and 13, 2010.

Raun wantaim Kanage olgeta wik

Elvis o samting?

Paps Kanage em wanpela man bilong painim meri. Wanpela taim Paps Kanage i sindaun na gris wantaim ol yangpela mangi istap. Ol i stori i go na Kanage tokim ol mangi, "Las taim mi go long Boroi, insait long Madang, mipela i bin i go stretim wanpela hevi. Man, mi stretim hevi bilong meri ya i go bik moning na mi kisim bikpela taim stret". Paps Kanage lusim ol mangi na em wokabaut i go long haus. Long rot em bungim wanpela mama na mama ya tokim em, "Kanage, sampela toktok bilong yu i stap wantaim mi. Wanpela meri i salim i kam". Kanage hetwin na tok, "Aiyoooo! Maski mi wanem kain man olsem ya. Yu-pela kisim naip na katim nek bilong mi na bai mi dai. Taim mi dai, bai olgeta pren meri bilong mi long olgeta ples bai bung na krai long mi!"

TDS Tor
Angoram



Yu tasol dispela kaukau ya!

KANAGE em bilong Hailans na em man bilong kaikai kaukau wantaim gris pik. Wanpela taim em i pilim les long kaikai kaukau na i go raun long Ostrelia (Australia) long kaikai sampela kaikai bilong ol waitman. Ol wantok bilong em pikim em long ples balus na kisim em i go long haus. Narapela anti ya pairap long haus kuk i stap. Kanage pasim tingting tasol na daunim spet. Kaikai redi na ol i go insait long kaikai. Kaikai smel nais tru na anti ya karamapim ol pot. Ol prei pinis na ol sindaun rere long kaikai. Taim ol i opim ol pot, wanpela pot em kaukau tasol. Anti ya tokim Kanage, "Yu mas

misim kaikai bilong ples stret ya!" Kanage isi kisim kaikai bilong em na sindaun. Em lukim kaukau na tok, "Baset, yu dispela kaukau ya mi lusim long ples i kam long hia na yu painim mi yet!". Kanage kaikai ol arapela kaikai na lusim kaukau i stap.

Alexius S
Kimbe

Ol skwat!

Salim ol gutpela Kanage

tok pilai i kam long:

Kanage Tok Pilai

P.O. Box 1982,

Boroko, NCD

Port Moresby.

Email: atolire@wantok.com.pg



NEM: Elsie Gunarang

KRISMAS: 26 (meri)

ADRES: C/- June Micka, Kokopo Court House, P.O. Box 381, Kokopo, ENB Province

SAVE LAIKIM: Raun raun, harim musiK, danis, tok pilai, mekim pren, ritim Baibel na mekim pani.

NEM: Bredley Lowi Jr

KRISMAS: 20 (man)

ADRES: C/- Romei Aidpost, Aitape District, Health Office, P.O. Box 13, Aitape, Sandaun province

SAVE LAIKIM: Pilai soka, volibol, lukim TV, mekim pren, mekim pani, na harim musik.

NEM: Smith Ben

KRISMAS: 19 (man)

ADRES: C/- Jacob Worin, Kiunga Catholic Church, P.O. Box 42, Kiunga, Western Province

SAVE LAIKIM: Lukim TV, harim musik, mekim pren, na raitim pas

NEM: Lirry Kahy

KRISMAS: 28 (man)

ADRES: Kukia SDA Primary School, P.O. Box 743, Gordons.

SAVE LAIKIM: Raitim pas, go lotu, mekim pren na tok pilai.

NEM: Steven Tobias

KRISMAS: 20 (man)

ADRES: Kanabea Catholic Mission, PMB, Kanabea, Lae, Morobe province

SAVE LAIKIM: Pilai soka, volibol, basketbol, ritim buk na niuspepa, na kuk.

NEM: Luanne Akut

KRISMAS: 19 (meri)

ADRES: PO Box 102, Wewak, East Sepik Province

SAVE LAIKIM: Raitim pas, pilai basketbol, harim musik na ritim buk.

NEM: Kamiva Hosea Sapul

KRISMAS: 26 (Man)

ADRES: PO Box 636, Beon Road, Madang

SAVE LAIKIM: Raitim pas, lukim TV, piknik long nambis, pilai spot na go lotu

NEM: David Jason

KRISMAS: 19 (man)

ADRES: C/- Yonet Asuneng, PO Box 292, Tabubil, Western Province

SAVE LAIKIM: Pilai spot, harim musik na raun lukim ol ples.

NEM: Raymond Duetna

KRISMAS: 25 (man)

ADRESS: PO Box 149, Goroka, Eastern Highlands Province

SAVE LAIKIM: Brukim paiawut, wok long bus, wokim gaden na stori.

NEM: Ken Tom

KRISMAS: 24 (man)

ADRES: Pekai Contractors, PO Box 901, Mt. Hagen, WHP

SAVE LAIKIM: Mekim pren, mekim fani, go lotu na pilai ol spot

Meri bilong narapela kantri marit long PNG

Dia Laiplain

Mi wanpela marit meri i gat 50 kris-mas bilong narapela kantri. Mi bin maritim wanpela man PNG, tasol marit bilong mitupela i bin bruk 10-pela yia i go pinis.

Mi stap wantaim tingting olsem mitupela man bilong mi bai tok sori, stretim ol samting na stap wantaim gen. Mi bilip olsem God i bin plenim laip bilong yumi taim em i wokim yumi. Na em yet i lukautim mi long dispela 10-pela yia marit i bruk inap nau.

Tasol hop long mipela i sekan na kamapim wanbel i wok long lus wantaim taim i ron na mi hop olsem bai mi painim wanpela nupela man long poroman wantaim. Dispela em bikos man bilong mi nau i marit na em i gat wanpela pikinini i gat 8-pela krismas. Na mi ting olsem em i no laikim mi moa.

Mi no pilim gut long marit i bruk we i lusim mi wan yet i stap long wanem, plen bilong mi em bilong painim man mi laikim na marit stap wantaim. Na i no bilong mi stap singel mi yet. Nau yet, mi no save God i gat wanem kain plen long mi na olsem, mi stap wantaim wari.

Laiplain, plis helpim mi.

Worried Deserted Wife

Dia Pren

I GUTPELA long kisim pas long wanpela meri bilong narapela kantri na askim long helpim bilong Laiplain. Long pas bilong yu, yu bin tok olsem yu wanpela meri i stap wantaim wari na yu gat 50 krismas na yu maritim wanpela man PNG.

Tasol, marit bilong yu i bruk 10-pela yia i go pinis na i luk olsem i nogat wei long yupela i toktok na stretim ol samting na yupela i ken stap wantaim gen. Nau yu laik painim wanpela nupela man long marit na stap wantaim bikos man bilong yu i marit na em i gat pikinini pinis. Yu ting olsem man bilong yu i no laikim yu moa na yu sori long yuu wan i stap na tu, yu no save wanem plen God i gat long yu.

Fren, ekspiriens yu wok long go long en em i bikpela long wari na moa yet, bikos yu bilong narapela kantri. Olsem na dispela kain hevi na wari i ken givim skul long planti narapela PNG na tu, ol ovasis lain husat i marit long narapela kantri o i tingting long wokim dispela.



Mipela i strongim yu na ol narapela olsem lukluk gut long wanem ol narapela lain i mekim wantaim laip bilong ol arapela i no wokim wanpela rong.

Mipela i bilip olsem yu bilon narapela kantri, tasol yu no tokim mipela liklik moa long yu yet, sapos yu gat pikinini na hamas, yu wok o nogat, sapos yu naturalis sitisen bilong PNG o nogat. Tasol mipela i luksave long wari, pen na hevi yu wok long bungim glasim wantaim 10-pela krismas i longpela taim tumas bihain long marit bilong yu i bruk.

Pren, mipela i luksave long wei yu inap long menesim laip bilong yu, maski marit i bruk wantaim man yu gat bikpela laik long en. Mipela i lukim olsem maski man bilong yu i lusim yu na nau i stap wantaim narapela meri, yu no bin belhat na wokim samting tasol yu wok long weit olsem em bai kam bek long yu.

Long wei mipela i glasim ol samting, dispela man we yu bin laikim tumas na lusim kantri bilong yu long maritim i feilim yu tasol yu nogat. Tasol sapos sampela samting yu wokim na em i lusim yu long maritime narapela meri, mipela i enkarjijim yu long glasim ol samting we yu inap long mekim na kontribut long marit bruk.

Mipela i laikim yu long stap gut, bilip olsem sampela gutpela samting bai kamap bikos long Pasin bilong yu long stap isi na weit stap long wanpela de, yutupela i ken painim bel isi pasin.

Sapos yu bilip long Bikman olsem yu tok long pas bilong yu, em gat ol gutpela plen long ol pikinini bilong em. Na long dispela i min olsem yu tu. Yu tok tu olsem Bikman i lukautim yu gut long dispela 10-pela yia taim yutupela man bilong yu i no stap wantaim na em i ken skruim dispela long narapela 10-pela moa yia i kam o moa. Pren, skruim bilip na tras bilong yu long Bikpela long olgeta samting yu mekim. Ritim Romans 8:28.

Taim yu mekim olsem, traim na staim toktok gut wantaim man bilong yu na namba tu meri bilong em. Sapos yu no wok long toktok wantaim em i kam inap nau, i moabeta yu toktok long em nau

na askim em watpo em bin mekim olsem na plen bilong em long bihain taim.

Mipela i bilip olsem gutpela toktok namel long yupela bai kamapim gutpela luksave bikos yu hop na weit long kamapim belgut na i no traim long mekim samting long peim bek bikhet pasin man i wokim.

Mipela i luksave olsem taim man i stat long lukim narapela meri na meri i wokim wankain long bekim, marit i save bagarap olgeta. Sapos ol i gat pikinini, ol i save bungim hevi long bikhet bilong papamama i no tingim ol na bihainim laik bilong ol yet. I moabeta long yu noken wokim dispela na bagarapim nem bilong yu.

Pren, mipela i luksave olsem yu no laik long yu wan yet i stapna yu laik painim wanpela man we bai yu lavim na maritim. Tasol bipo yu wokim dispela, i moabeta yu stretim hevi wantaim man bilong yu. Dispela em i bikpela samting long wanem bai gutpela luksave na wanbel i kamap bipo yupela i bruk gut na bihainim laik bilong wan wan.

Taim yu painimaut stret olsem man bilong yu i wokim fainol disisen long maritim narapela meri, orait, yu ken klia gut na go het wokim disisen long rot yu laik go long em long laip.

I moabeta yu tupela wantaim i askim sios pasta na ol lida long givim gutpela stiatok long helpim yupela.

Tasol tingim long ritim Tok bilong Bikpela long 1 Korin 7:39-40 we i tok "marit "meri i no fri taim man bilong em i stap laip yet tasol taim man i dai, em i fri long marit long husat man em i laikim. Tasol em i mas wanpela Kristen. Tasol em bai stap amamas taim em i stap olsem. Em tingting bilong mi na mi ting olsem mi gat Spirit bilong Bikpela long mi." Tu, ritim Matyu 5:31 na 32. Pre long God na em i ken soim plen bilong em long yu.

Laiplain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain

Petigo manmeri givim fri leba long wokim wara saplai projek

.....Komyuniti Dvelopmen na JICA givim sapot

JAMES KILA i raitim

WANPELA naispela piksa tru we komyuniti i wok bung wantaim long mekim kamapim projek i go het nau long Petigo viles long Saut Wosera lokal level gavman (LLG) kaunsil long Wosera Gawi distrik long Is Sepik provins.

Olgeta manmeri long ples i sanap sait sait na givim fri leba wok bikos ol i laikim gutpela klin na seif wara saplai i go long ples bilong ol. Insait long dispela komyuniti, wara em wanpela bikpela nid tru na ol pipel i laikim tru wara long go insait long komyuniti na haus lain bilong ol.

Wanpela mama husat i go las long ol mama long Petigo long kukim kaikai na lida meri, Julie Klenaka i stori olsem olgeta mama long ples i wanbel long kisim kaikai long gaden bilong ol wan wan na bringim i go long wanpela sentrol ples na kukim na bihain karim i go givim ol man husat i wok hat long digim hol long painim wara.

Wantok Niuspepa i bin mekim lukluk raun i go long Petigo viles long las wik Fonde, wantaim ol ofisal bilong Japanis Intanesenel Koporesin Ejensi na tu Japan Embasi na i lukim stret dispela viles komyuniti i soim stret spirit bilong wok bung.

Mipela i bin lusim Wewak long samting olsem 10-kilok long moning na draiv bihainim Maprik Haiwe i go abrusim mausrot bilong Maprik taun na bihainim Wosera rot i go kamap long Petigo.

Tru tumas, mipela ol lain niusman bilong Mosbi na tupela narapela bilong Madang na Wewak i mangalim stret gutpela wok ol man long Petigo i mekim long digim bikpela hol long painim wara. Mipela i stap yet na lukim ol lain meri bilong Petigo i I bungim kaikai na kuk na bringim long ol man husat i wok long dispela wel wara projek.

Wod memba bilong Petigo-Vegior insait long Saut Wosera LLG, Peter Bira i tok dispela wok em olgeta komyuniti i amamas long en bikos wara saplai em bikpela nid tru bilong ol manmeri na pikinini long ples na haus lain.

Kaunsila Bira i tok olsem olgeta manmeri long ples i amamas tru long givim fri leba na mekim wok bikos wara em bikpela samting bilong laip na tu gutpela sindaun insait long komyuniti bilong ol.

Em i tok ol man long ples i harim tok bilong ol lain save-man bilong JICA na wok-about i go samting olsem 2-kilomita na kisim ol ston na wesana arere long wara na ol

yet i mekim brik long putim i go daun long hol we ol lain saveman bilong JICA i tokim ol long digim i go daun long painim wara.

Wanpela ofisal bilong Dipatmen bilong Komyuniti Dvelopmen, Mista Luluaki i tokaut olsem dispela projek i kamap taim Dipatmen bilong Komuniti Dvelopmen i putim sampela mani long kirapim na komyuniti bilong Petigo tu i bungim samting olsem K20,000 kontribusen long kirapim wok.

Olgeta lain long viles i wok long dispela wok we bai i lukim olsem bihain long ol i painim wara insait long hol long graun ol bai putim kamap tupela tenk long holim wara na bihain ol bai joinim ol paip i go long 23-pela liklik hauslain we i stap insait long Petigo viles komyuniti.

Dispela wara saplai projek long Petigo em i soim gutpela wok patnasip namel long ol viles pipel yet na Gavman na bikpela lukluk long dispela kain projek em long sait bilong kapasiti dvelopmen

Dispela wara saplai projek long Petigo em Dipatmen bilong Komyuniti Dvelopmen i putim mani long wok i kamap na JICA i givim ol saveman o konsalten long lukim wok i go gut na tu JICA i helpim long painim ol samting bilong mekim wok i kamap gut long dispela projek.

I go moa long pes 20



Ol man i hatwok long putim brik long rop long salim go daun long hol bilong painim wara. Poto: James Kila



Ol meri i karim kaikai na i go lukim ol man i digim hol bilong painim wara long Petigo.



Heigo Nakafusa bilong Japan Infomesin na Kalsa Senta long Japanis Embasi i sanap tok-tok wantaim LLG wod memba bilong Petigo-Vegior, Peter Bira arere long wel wara projek.



Tupela man i wok daunbilo tru long hol na putim brik long strongim sait sait bilong hol long kisim wara. Poto: James Kila

Petigo manmeri givim fri leba long wokim wara saplai projek

I kam long pes 19

Wantok Niuspepa i bin stori wantaim ol ofisal bilong Dipatmen bilong Komyuniti Developmen, we ol i tokaut olsem dispela projek long Petigo i bin kamap bihainim as tingting bilong Intagreted Komyuniti Developmen Projek (ICDP). Insait long dispela ol i kamap wantaim ol Komyuniti Developmen Lainim Senta na insait long Is Sepik provins ol i makim Saut Wosera na Petiko em wanpela Fokal Poin. Moa long en tu ol projek wok long Wosera-Gawi distrik i lukim JICA i go pas long givim teknikal helpim long lukim wok i go het gut tasol.

Wanpela konsalten bilong Siapan, Fukasawa Shinichi wantaim narapela 8-pela lain i wok klostu wantaim ol pipel long dispela wara saplai projek. Lida bilong dispela ol lain grup bilong JICA husat i wok wantaim komyuniti long Fatigo i no bin stap taim mipela i go raun long hap tasol ol yangpela man long ples i tok nem bilong dispela man Siapan em Heidi na em lapun tasol em i gat moa save tru long wok na planti ol man long hap i amamas tru long wok bilong em na planti i lainim planti ol nupela samting long wok.



Piksa i soim ol nius lain wantaim ofisal bilong JICA na Embasi bilong Japan i lukluk raun antap long nupela jeti long Wewak.

Poto: James Kila

Nupela Wewak jeti gat ples bilong wokim ais-blok

James Kila i raitim

NUPELA Wewak Maket long Is Sepik provins em Gavman bilong Japan i givim mani long wokim kamap bai op long mun Novemba o long klostu long pinis bilong dispela yia.

Spesel Projek Kodineta insait long Is Sepik Provinsal Edministresin, Joachim Nianguma i tokaut long ol nius lain long las wik Fonde long Wewak taim ol nius lain i mekim lukluk raun i go long nupela jeti (liklik bris long solwara) na nupela Wewak Maket.

Mista Nianguma i tokaut olsem ol i surikim taim bilong opim dispela tupela projek i go long namel bilong mun Novemba bikos narapela projek em nupela Wewak polis stesin em wok i no pinis yet long en.

Moa long en tu nupela jeti (liklik

bris) em Gavman bilong Japan i wokim em tu bai op long mun Novemba long dispela yia

Bikpela as tingting bilong kamapim dispela Wewak Maket na jeti o liklik bris bilong ol liklik bot i go sua em long helpim ol lokal pipel long kamapim mani long sait bilong bringim gaden kaikai na tu long helpim ol pipel long salim fis long kisim mani na helpim sindaun bilong long ples wantaim femili na komyuniti bilong ol.

Wantok Niuspepa i bin mekim lukluk raun i go long Wewak long las wik Fonde wantaim ol ofisa bilong Japanis Intanesel Koporesin Ejensi (JICA), Nesaki Shun na tu wanpela ofisal bilong Embasi bilong Japan, Heigo Nakafusa, husat i bin go long Is Sepik long lukim ol projek em Gavman bilong Japan i bin putim mani long wokim kamap long helpim pipel bilong

Papua Niugini.

Dispela nupela Wewak Maket em i gutpela tru na i gat ol haus long karamapim ol lain manmeri i salim ol fres kaikai long maket. Maket bai inap long kisim moa lain long salim kaikai na bringim namba i go antap samting olsem 600.

• Wewak Jeti

Dispela nupela Wewak jeti o liklik bris bai i ken lukim ol banana bot i yusim long bringim ol agrikalsa kaikai i kam long ol ailan long Wewak na tu ol fiseris prodak long go salim long Wewak maket.

Wanpela seksin bilong dispela jeti tu bai lukim wanpela haus i stap long wokim ol ais blok na saplaim long ol lain long storim o mekim ol fis ol i kisim long solwara i ken stap gut long taim na ol lain long ples i ken karim i go salim long maket. Dispela riteil sistem bi-

long salim ol ais long ol rurel komyuniti i ken helpim trenspot bilong ol fres fis na agrikalsa kaikai i go long maket.

Mani mak em gavman bilong Japan i givim long wokim kamap dispela jeti projek long Wewak em K12.6 milien na PNG gavman i putim kauntapat mani helpim wantaim K9 milien.

Mista Nianguma i tok olsem saplai bilong ais blok bai go aut olgeta wik bikos ol lain husat i save storim o putim ol fres fis i ken yusim taim ol i hukim ol fis long solwara na redi long bringim i go long maket. Solwara trenspot infrastraksa bai kamap gut na helpim long strongim wok bilong bringim ol agrikalsa na fiseris prodaks long helpim ol nambis o kostal komyuniti long Wewak na ol viles komyuniti long ailan na nambis i stap klostu tu.



Pablik Notis

SUPARENUESEN KONTRIBUSEN BILONG OL KESUAL WOKMANMERI

Sapos yu wanpela kesual o ansileri staf o wokmanmeri i holim dispela wok moa long tripela mun na yu stap long peirol moa long tripela mun, aninit long Lo, yu mas givim kontribusen i go long Suparenuesen bilong bihain taim bilong yu.

Lo bilong Suparenuesen i karamapim olgeta wok bisnis we i gat moa long 15 wokmanmeri, na olgeta wokmanmeri i mas kontribut long wanpela Suparenuesen Fan bihain long ol i wok tripela mun na i go het, maski ol i kesual, o ansilari wokman. Dispela em wanpela luksave mak tasol.

Sapos yu wok moa long tripela mun olsem wanpela pemanen, kesual o ansilari wokmanmeri, tasol i no wok kontribut long seavings bilong yu, yu mas kwiktaim toksave long Human Risos o Peirol opisa bilong yu long stat kontribut i go long Nambawan Super Limited. (Tingim olsem long olgeta wan kina yu kontribut, kampani i mas givim K1.40 long makim yu). Olsem, ol kontribusen; em bisnis/kampani bai peim 8.4% na ol wokmanmeri bai peim 6%. Mipela i laik tokim ol bisnis/kampani husat i gat aninit long 15-pela wokmanmeri long kontribut i kam long Nambawan Super Limited. Sapos yu (bisnis/kampani) i no bihainim dispela Suparenuesen Lo, bai i gat penalti na yu ken kamap long kot.

Tok orait i kam long

**Leon Buskens
Menesing Dairekta**

Long kisim moa toksave, yu ken ringim ol dispela lain:

HEAD QUARTERS Ground Floor Era Rumena P.O. Box 483 Port Moresby National Capital District Ph: 309-5311 Fax: 321-4406 Email: head@nambawan.com.pg	MOMASE REGION - LAE Ground Floor Vele Rumana PO Box 1288, Lae Milne Bay Province Ph: 472-2272 Fax: 472-4536 Email: lae@nambawan.com.pg	HIGHLANDS REGION - MT HAGEN Suite 1, Ground Floor Gapina Building PO Box 1574, Mt Hagen Western Highlands Province Ph: 542-1162 Fax: 542-1166 Email: mt_hagen@nambawan.com.pg	NEW GUINEA ISLANDS REGION - KOKOPO Sec 8 Lot 19 Togigra Street, Kokopo PO Box 808, Kokopo East New Britain Province Ph: 882-8800 Fax: 882-8801 Email: kokopo@nambawan.com.pg	Nambawan Super Goroka Suite 32, Level 1 Gouina Centre Elizabeth Street P.O. Box 757, Goroka Eastern Highlands Province Ph: 532-1224 Fax: 532-1918 Email: goroka@nambawan.com.pg	Nambawan Super Alotau Ground Level Chessport Building Sec 21 Lot 10 P.O. Box 727, Alotau Milne Bay Province Ph: 641-0671 Fax: 641-0587 Email: alotau@nambawan.com.pg	Nambawan Super Bouka Suite 2, Level 1 Matanbel Building P.O. Box 19, Bouka Autonomous Region Bougainville Ph: 673-8801 Fax: 673-982 Email: bouka@nambawan.com.pg	Nambawan Super Madang Suite 14, Level 1 Beckslea Plaza P.O. Box 142 Madang Madang Province Ph: 422-0244 Fax: 422-0255 Email: madang@nambawan.com.pg	Nambawan Super Kavieng Ground Floor Durma Building P.O. Box 567 Kavieng New Ireland Province Ph: 984-2611 Fax: 984-2612 Email: kavieng@nambawan.com.pg	Nambawan Super Kimbe Level 1, Hamamas Trading Building P.O. Box 593 Kimbe West New Britain Ph: 983-5400 Fax: 983-5101 Email: kimbe@nambawan.com.pg
---	---	---	--	--	---	--	--	--	--

SMS Banking Digicel Top Up.

SMS BANKING - APPLY NOW

To apply, you'll need

1. Your Kundu Card
2. Your BSP Account Number + details
3. Mobile phone number
4. Names + BSP Account Numbers for deposits to other BSP account holders
5. Fill in an Application Form today

BSP
Love your bank
www.bsp.com.pg

Fres kaikai tasol bai go long nupela Wewak maket

James Kila i raitim

NUPELA Wewak Maket em gavman bilong Japan i givim mani long wokim kamap bai lukim ol manmeri i salim tasol ol fres gaden kaikai na kumu na i no stua samting o sekenhan klos.

Dispela em bikpela toktok a bilong Spesel Projek Kodineta insait long Is Sepik Provinsal Emisionistresin, Joachim Nuanguma i tokaut long en long las wik Fonde.

Dispela nupela Wewak maket i gat moa spes na ol eria e mol i wokim simen na i gutpela tru long ol manmeri i sindaun na salim kaikai bilong ol. Moa long en tu i gat bet i stap insait long haus we ol manmeri bai salim kaikai na tu ples we wara i ken ron bihainim simen bare tem ol wokman i redim gut.

Kampani we i wokim kamap dispela nupela maket Asosieted Bil-das na Kontraktas (ABC) na dispela wok i kisim ol samting olsem tupela yia long pinisim.

Mista Nianguma i tokaut long ol nius lain long las wik Fonde long Wewak taim ol nius lain i mekim lukluk raun i go long nupela jeti (liklik bris long solwara) na nupela Wewak Maket.

Mista Nianguma i tokaut olsem ol i surikim taim bilong opim dispela

tupela projek i go long namel bilong mun Novemba bikos narapela projek em nupela Wewak polis stesin em wok i no pinis yet long en.

Mani mak long wokim kamap dispela nupela Wewak maket em K12.6 milien em gavman bilong Japan i givim olsem gutpela pasin poroman i kam long gavman bilong PNG.

Bikpela as tingting bilong kamapim dispela Wewak Maket em long helpim ol pipel long kamapim mani long sait bilong bringim gaden kaikai na tu long helpim ol pipel long salim pis long kisim mani na helpim sindaun bilong ol na

Wantok Niuspepa i bin mekim lukluk raun i go long Wewak long las wik Fonde wantaim ol ofisa bilong Japanis Intanesel Koporesin Ejensi (JICA) na tu wanpela ofisal bilong Embasi bilong Japan, husat i bin go long Is Sepik long lukim ol projek em Gavman bilong Japan i bin putim mani long wokim kamap long helpim pipel bilong Papua Niugini.

Dispela nupela Wewak Maket em i gutpela tru na i gat ol haus long karamapim ol lain manmeri i salim ol fres kaikai long maket. Maket bai inap long kisim moa lain long salim kaikai na bringim namba i go antap samting olsem 600.



NUPELA STAIL MAKET: Wewak maket menesa Joachim Huafole i soim raun Mista Nianguma na Heigo Nakafusa bilong Embasi bilong Japan ol eria insait long nupela maket long Wewak. Foto: James Kila

Dijisel lonsim 'Dijisel Laiv' Sevis

OL kastoma long Papua Niugini nau i gat sans long kisim nius na ol amamas pilai long mobail telepon bilong ol bihain long kamap bilong nupela sevis.

Dispela sevis we ol i kolim 'Dijisel Laiv' Sevis em Dijisel mobail telpon netwok i kamapim na i tokaut long em long Tunde 5 Oktoba long dispela wik.

Dijisel Laiv program i program we i wok wantaim intanet na ol kamastoma i ken yusim mobail telepon bilong ol long kisim ol nius na amamas program.

Dijisel Laiv i program we i helpim kamastoma long yusim mobail bilong em long kisim ol olanti ol kain program

olsem Riel (Real)- ton, Polifonik ton, Wallpepas, Ringbek ton, Java Gems, na Karaoke.

'Karaoke' nupela amamas program na i ken mekim kastoma i amamas na singsing long olgeta de.

Em i larim kastoma i kisim ol singsing na long wankain taim i larim polifonik ton i pilai yet na olsem kastoma long taim em i wok i ken lukim ol toktok long skrin na singsing wantaim.

Long dispela Dijisel PNG Sif Eksekutyutiv Opisa, John Mangos, i tok: "Dijisel Laiv i givim ol kastoma sans long save long ol samting i stap long intanet wantaim ol wok bilong

'Karaoke'.

"Dijisel Laive i olsem wanpela kain haus we stua bilong kaikain ol samting i stap long em (one-stop-shop).

"Ol kastoma i noken go long narapela hap long kisim sevis tasol bai yusim wanpela mobail tasol na kisim sevis long ol arapela program.

"Na dispela i mekim ol kastoma husat i gat intanet program i moa gutpela na i isi."

Dijisel Laiv i go stret tu long ol websait olsem Facebook na Twitter na olsem i givim sans long ol kastoma long ol i ken kisim ol gutpela samting long em.

Ol kastoma i ken kisim go long intanet

taim ol i yusim tupela bikpela hap, Web na WAP (Waiales Aplikesen Protokol).

Long ol kastoma i yusim WAP ol i mas go long www.live.digicelpng.com/wap long handset bilong brausa na WEB long ol kastoma husat yusim kompyuta na ol kastoma go long websait www.live.digicelpng.com/web na go tu long Dijisel Laiv hompes.

Ol sas i wan kian long sas bilong SMS sevis ol K1.99 pepa long Wallpepa, Real Tons, Java Gems na Karaoke long K2.99

Long save moa kastoma i ken ringim Kastoma Kea namba 123.

Praivet sekta strongim manmeri: Polye

DEPUTI Praim Minista Don Polye i tok strong long kamap bilong wokbung namel long pablik praivet patnasip program.

Em i tok kamap bilong dispela program bai helpim gut ol manmeri.

Em i mekim dispela tok long taim Nick Roni-otis, Menesing Dairekta bilong Moss Kapitel Pasifik i givim em Masta Plen bilong dispela program long las wik Fonde 30 Epril.

Em i tok kamap bilong wok bisnis i stap long strong bilong kain program olsem. Em i tok dispela planti ol wok i sut i go long lukim Visen 2050 i karim kaikai long 40 yia bihain taim na kamap bilong dispela program i moa gutpela long strongim ol wok.



Deputi Praim Minista Polye.

Moss Kapitel i stap olsem edvaisa bilong PPP program.

Mista Polye i tok rot bilong kamapim strong bilong ol Papua Niguini manmeri i stap long han bilong kamap bilong gutpela program na PPP i

wanpela bilong dispela program.

"Bikpela as tingting em long lukim ol manmeri i kamap na soim strong bilong ol long strongim ol yet na developim kantri," Polye i tok.

Amerika mausman lukim Westen Hailans didimeri

Senior Anzu (NARI) i raitim

EMBASI bilong Amerika long Mosbi i bin mekim wanpela wokabaut i go long Meri Wok Bung Asosiesen ausait long Mt Hagen Siti, Westen Hailans Provins long las mun.

Elizabeth Kelly, wanpela mausmeri bilong Asosiesen i tok tripela mausman bilong Embasi i go lukim ol.

Wokabaut bilong ol em long mekim ol i save long kain wok em Asosiesen, i mekim long strongim wok bilong ol meri na famili long ples bilong ol.

Ol tripela mausman bilong Embasi em Brian Asmus, politikel opisa; William Scuamp, Hawaii bes mausman na Caroline Iva, publik rilesen opisa long embasi.

c i askim tu ol meri long arapela distrik olsem Dei, Mul-Baiyer, Saut Whagi, Not Whagi na Hagen Sentral long Westen Hailans



SEKIM: Ol mausman bilong Amerika Embasi i stap long Komon klostu long Mt Hagen (l-r) William Scuamp, Caroliva na Brian Asmus, na Elizabeth Kelly bilong Meri Wok Bung Asosiesen.

long go long dispela so tu. Bung i kamap long Komon klostu ausait long Mt Hagen Siti.

Mis Kelly i tok inap olsem 200 meri i kamap na soim wok bilong ol.

Ol i soim ol samting olsem wok didiman, florikalsa, atifeks, somap na ol bilum.

Wok didiman i bikpela samting planti ol meri i save pas long wok bilong em

long strongim laip bilong ol, famili na kisim mani long em.

Meri Wok Bung Asosiesen wanpela memba bilong PNG Meri long Agrikalsa grup.

"Meri Wok Bung i save wok na kamapim ol sevis long givim long wan wan grup bilong ol," Kelly i tok.

Dispela wokabaut bilong ol i bihainim hettok "Promotim wokbung na netwok long kamapim poroman pasin long Famili na komyuniti Sastenibel Dvelopmen," Mis Kelly i tok.

Em i tok kain wokbung em Embasi bilong Amerika i kamapim wantaim Meri Wok Bung Asosiesen.

Meri Wok Bung Asosiesen i traime arapela rot yet long kamapim ol rot na wokbung wantaim ol meri asosiesen we i stap long ol rurel ples long kantri.

Em i tok Meri Wok Bung Asosiesen i amamas long wok wantaim ol arapela lain long promotim gutpela laipstail.

Moa aweanes long klaimet senis, REDD na kabon tred mas kamap - PNGEFF

JAMES KILA i raitim

MOA AWEANES long klaimet senis, kabon tred na redius emisin long diforestesin na digredesin (REDD) i mas kamap long givim gutpela save long ol lokal pipel long lukautim busgraun na wara bilong ol.

Dispela em bikpela toktok ol lokal pipel bilong Papua Niugini yet i givim insait long ol konfrens o kibung em PNG Eko Forestri Forum (EFF) i bin kamapim long 3-pela rijen insait long kantri long dispela yia.

Dispela rijinel konferens em PNGEFF i kamapim i bin kamapim ol lain nongavman ojenaisesen (NGO), ol lain insait long

gavman na tu ol lain ovasis long skelim ol bikpela toktok we i glasim klaimet senis, REDD na kabon tred.

Tasol bikpela toktok em ol lokal pipel o lain papagraun i givim i salensim gavman na tu ol lain i wok klostu wantaim bus, graun na wara olsem moa infomesin. Dispela em bikos ol dispela samting em ol nupela kain tingting long planti liklik manmeri long ples na nogat inap aweanes na infomesin i wok long go long ol rurel eria long kantri.

Planti lain husat i kamap long ol dispela rijinel konferens i tok amamas long PNG Eko Forestri Forum (PNGEFF) long kamapim kain bung olsem we ol pipel na ol

lain bilong gavman na ol NGO i ken sindaun na tok tok i go kam na kamap wantaim gutpela tingting long lukautim bus, graun na wara insait long PNG.

Narapela samting tu we ol lokal pipel i toktok moa long em em Gavman i mas wok moa klost wantaim ol

Insait long dispela PNGEFF rijinel konferens planti lain i tokaut olsem wok loging i katim diwai na salim i bagarapim tru bus graun, olsem na bikpela tambu o stopim i mas kamap nau long olgeta nupela wok timba projek na Gavman i no ken givim tok-orait long ol nupela lain long katim timba long kantri.

Ol narapela bikpela

salens ol pipel i givim long gavman em taim ol i tok olsem ol Len Rait i mas gutpela luksave long en pastaim. Dispela em bikos i gat moa kastomari graun na Gavman mas lukluk hariap long stretim dispela hevi pastaim.

Ol pipel i salensim gavman tu long lukluk moa long sait bilong fud sekuriti we i go wantaim hevi bilong klaimet senis.

Narapela bikpela salens i go long gavman em olsem Gavman mas noken yusim ol foren konsalten o ovasis lain bikos dispela i westim publik mani. i gat ol lokal saveman i stap long mekim wok tasol taim gavman i kisim ol ovasis konsalten i no gutpela.

Ol lokal papagraun husat i kamap long PNG EFF rijinel konferens i tok olsem gavman i mas tokaut gut long lokal pipel olsem husat tru em papa bilong kabon. Narapela samting tu em i mas gat gutpela plen i kamap long yusim graun long kamapim risos developmen.

Ol pipel i salensim gavman tu olsem em i mas lukluk long hevi bilong FMA (Fores Menesmen Eria) pastaim long wok bilong REDD projek i kamap long ol eria long kantri ol i makim long en.

Simbu lonsim Agrikalsa Sapot Sevises projek long strongim wok didiman

Soldier Buruka (DAL) i raitim

MANMERI long Simbu i mas yusim graun na save bilong ol long mekim wok didiman bai i ken sapotim gut laip bilong ol.

Simbu Gavana Pater John Garia i mekim dispela tok long taim opim haus bilong Smolholda Sapot Sevises Ekspensan Projek (SSSEP) long Kundiawa, Simbu Provins long las wik.

Em i tok wantaim planti ol wok didiman ol manmeri i ken daunim ol hevi bilong hangre, sot long mani na iken sapotim laip bilong ol long stap gut.

Em i tok ol manmeri i no ken tok ples maunten, nogat gutpela opis bilong wok didiman na ol arapela tok olsem eskus bilong ol long ol i no inap mekim wok didiman.

Ol opisa bilong provinsel edministresen, ol fama, meri lida na provinsel lida i kamap long lonsing.

Em i givim K40,000 sek mani olsem hap mani bilong sapotim dispela projek.

Bihain long Kundiawa Gavana bai lonsim projek long Kerowagi na Sinasina-Yonggomugl distrik.

Sentral na Simbu em ol provins we i kisim dispela projek bihain long gavman i traime projek long Morobe na Isten Hailans Provins long sampela yia i go pinis.

Gavman i kamapim dispela projek long givim moa sapot long wok didiman we em i save givim bipo.

Bikpela as tingting bilong dispela projek em long strongim wok na laip bilong ol liklik fama.

Gavana long taim em i amamas long kamap bilong dispela projek i tok Dipatmen bilong Agrikalsa na Laipstok (DAL) i mekim gutpela disisen long makim provins bilong em olsem i narapela provins gen long kisim dispela SSSEP.

Em i bilip wantaim dispela

projek planti manmeri long ples bai kisim gutpela sevis long em na olsem em i askim olgeta opis husat wok bilong ol i pas long projek long ol i mas givim sapot.

Em i amamas tasol long wankain taim i givim luksave long ol fama olsem long wok bilong kumu, rais, piseri, laipstok na kopi long planti yia i kam inap nau i bin wok long strong bilong ol.

Tasol em i gutpela olsem SSSEP i kamap bilong givim sapot long ol.

Em i tok ol manmeri i no ken stap long wetim ol politik man long givim sapot long ol tasol i mas traime long mekim wok long tingting na save bilong ol.

Em i tok em i no save sapotim pasin bilong ol manmeri i stap nating na i go askim politik man long givim mani long ol.

Gavana i askim ol publik sevans long ol i no ken stap nating long opis bilong ol tasol i mas kirap, go aut na helpim ol manmeri long wok bilong ol.

Em i tok ol nupela program olsem SSSEP i ken karim kaikai sapos ol publik sevans i givim sapot.

Siama bilong Kerowagi Famas Koporetiv Sosaiti, Jacob Kerenga, long makim maus bilong ol Simbu fama i tok tenk yu long DAL na provinsel edministresen long makim provins ol.

Em i tok ol manmeri i gat graun na ol risoses tasol ol i les tasol long mekim wok.

Na SSSEP projek kodineta Dokta Sam Lahis i tok tenk yu long Gavana Garia long em i putim hap mani long skruim dispela projek.

Em i tok tenk yu tu long Gavman bilong Nu Silan aninit long Nu Silan Ejensi bilong Intanesenel Developmen (NZAid) long givim moa long K3.7 milion mani long kirapim dispela projek long kantri.



BAGARAPIM FORES: Timba projek eria i bagarapim tru gutpela fores long PNG.

Poto: Green Peace



STRONGIM WOK DIDIMAN: Pater Garia i katim ribbon bilong opim didiman opis.



Yu ken save long pilai tenis sapos yu prektis olgeta taim



Yu train na takolim mi



kam na rausim bal long han bilong mi



nau mi inap long long pilai tenis



Yiaa...! isi long turangu nogut em bai buruk long olgeta hap



"em wanpela stail mi save lukim Jared Hayne save wokim long NRL gems"



wokim sain bilong leva na yu ken kamap wanpela sempion long pilai tenis

PNG gat gutpela etletik tim: Kosa



STRONG I STAP: Sapolai Yao (lephan) em i namba wan long distens rana bilong yumi. Em na Mowen Boino, husat i go pas long ol etlit, i no nupela long ol bikpela kompetisen olsem.

Minista gat bilip long Pini na Kompaon

EKTING Minista bilong Spot, James Marape, i bilip swima Ryan Pini na Paraolimpik silva medol man, Francis Kompaon inap kamapim gutpela mak long 2010 India Komenwel Gem.

“Mi bilip ol i ken mekim mipela i amamas na winim sampela samting long mipela.

“Tasol sapos ol i no mekim mipela i amamas olsem ol i traim hat long kamapim gutpela mak,” Mista Marape i tok long taim em i mekim wokabout i tok long Gems Viles, Nu Deli, India long las wik Sarere.

Em i tok narapela pilaia husat inap kamapim gutpela mak em Rita Karia.

Em i givim sapot bilong em tu long olgeta arapela PNG pilaia olsem ol sapos ol i winim medol o nogat inap kamapim ol pesinel rekot long dispela ol pilai.

Long soim sapot em i makim K2,000 long pilaia i winim medol na K5,000 long tim i winim medol.

Go wantaim em long mekim dispela wokabout em PNG Hai Komisina long India Tarcisius Eri; Nambawan Seketari Karo Rupa na man bilong em na memba bilong Tim

PNG Andrew Ikufu.

Minista Marape i strongim tingting bilong ol na i tok ol i mas amamas na kamapim ol gutpela pilai wantaim ol arapela pilaia.

“Gutpela tru long yupela i stap long tim tasol yupela i mas amamas long kamapim gutpela nem bilong yupela yet, famili na kantri bilong yupela.

“Mipela i laikim yupela i traim hat na soim olsem yupela inap.

Em i tok win bilong Pini long 2006 Melbon Komenwel Gem i bikpela mak bilong PNG.

“Dispela em i strong yupela i gat long em na olsem yupela i mas yusim long promotim kantri,” Marape i tok.

Long wankain taim Tim PNG Jeneral Menesa John Susuve i tok tingting bilong Tim i stret na ol i lukluk tasol long kamapim ol gutpela pilai.

“Bikpela wari bilong mipela i stap long sekyuriti na mipela olgeta i stap tasol long Gems Viles.

“Nogat wanpela bai go aut, olgeta i stap insait na mekim trening,” Mista Susuve i tok.

ETLETIK tim we Papua Niugini i gat long dispela taim i namba wan bihain long 20 yia.

Kosa Lloyd Way i tok em i no lukim wanpela kain tim long las 20 yia i kam inap long dispela i namba wan taim gen.

“Mi bin wok wantaim PNG etletik tim long las yia 20 tasol mi no lukim wanpela gutpela tim inap long dispela taim mipela i gat wanpela.

“Sapos mipela i no winim sampela medol mipela bai traim hat long winim ol rekot em mipela i bin kamapim bipo,” Way i tok.

Em i tok olgeta memba insait long tim long wanpela taim long resis bilong ol i bin kamapim ol nupela rekot we PNG i gat long em bipo.

Mowen Boino na Sapolai Yao husat i gat planti save long ol bikpela pilai i go pas long tim.

Dispela nogut i laspela pilai bilong ol na ol i no tokaut long tingting bilong ol yet.

Na joinim ol em 2008 Olimpik paralipik silva medolis man, Francis Kompaon husat bai givim strong tu long ol arapela pilaia long pilai gut.

Na maski sprinta Mae Koima i no stap wantaim ol, Toea Wisil na Salome Dell bai givim strong long ol meri tu.

Way i amamas long yanpela rana, Vanessa Waro husat em i bilip inap kamapim gutpela mak long ron bilong ol.

Waro bai resis long 4x400 mita meri riley tim.

“Ol i bin ron gut long PNG riley tim long Kens, (Cairns) bipo long mipela i kam,” Way i tok.

Etletiks tim i makim yumi PNG long India em:

Ol Man –

Sapolai Yao	3,000 steeple chase
Mowen Boino	400m Hurdles
Nelson Stone	200m, 400m
Wala Gime	400m Hurdles, 400m
Riwan Gunasinghe	100m, 200m
Kupun Wisil	100m
John Rivan	200m, 400m
Mong Taval	Triple Jump
Norman T	High Jump / Long Jump
Francis Kompaon	T46, 100m (Para spots)

Ol Meri –

Toea Wisil	100m, 200m
Salome Dell	1,500m, 800m
Betty Burua	400m
Helen Philemon	Long jump, 200m
Vanessa Waro	Triple Jump, 4x400m

Tim PNG i stap helti tasol

SAMPELA long ol Papua Niugini etlits i kisim sampela marasin long helpim ol long kol na kus taim ol i go kam long India.

“Taim tim i kam kamap long Delhi long India, nogat wanpela sik i kisim ol, liklik kus tasol i kisim wan wan,” Dokta bilong Tim PNG, Bernie Amof, i tok.

“Wanpela netbol pilaia tasol i kisim liklik skin hot na mipela was gut tru long em, nogut em i kisim malaria,” Dokta Bernie i tok.

“Olgeta risal bilong em i nomol tasol na em bai orait long 24 awa taim bipo em i ken pilai,” Dokta Amof i tok.

Em i tok tu olsem maski ol i gat hevi long wara, dispela bai no inap givim sik long tim.

Em i tok nau yet i nogat ripot i kam yet long sampela hevi long taim bilong trening.

OL PMV draiva i lukluk raun long Sidni Opera Haus

Ol PMV draiva bungim ol NRL pilaia long NRL histori raun

OL PMV draiva bilong PNG amamas tru long lukim planti ol samting long bikpela siti long Sidni, na ol i amamas stret long bungim ol biknem ragbi lig pilaia bilong NRL taim ol i raun long Sidni. Dispela raun bilong ol i go long Sidni em olgeta bilong ol bai i no inap lusim tingting long en longpela taim tru.

Dispela em stori bilong 4-pela raun raun bilong 15-pela PMV draiva long ol ples insait long PNG husat ol i makim ol insait long Motor Vehicle Insurance Limited NRL nesenel rot sefti kompetisen long go raun long Australia long lukim NRL Gren Fainel las wik.

Ol dispela lain PMV draiva i namel long bikpela lain manmeri tru long ANZ Stadium na lukim Gren Fainel grem, tasol moa long en tu ol dispela lain draiva i go long bikpela Sidni Tawa bi-



hain long ol i lukim fainel trening bilong St George Dragons long Redfern Pak long las wik Sarere tai mol i raun i go long namel tru bilong Sidni siti long lukim ol kain samting em ol turis save amamas long lukim.

Taim ol dispela PMV i raun ol i pulim ol Australia nesenel midia o nius lain long mekim stori bi-

long ol long raun ol i mekim i go long Suatraia na tu ol bikpela niuspepa long Australia i putim stori bilong ol long pepa. Channel 9 televisin i kisim stori bilong ol na tu ol i stap stori long wanpela 10-minit program wantaim biknem Australia redio man Roy Slaven na HG Nelson long biknem FM

redio stesin, Triple M.

Planti ol dispela lain draiva i no bin lusim ol lokal viles bilong na sampela long ol i no bin go long kapitel siti bilong ol Pot Mosbi, na moa long en tu sampela long ol i no bin ron long balus na go ovasis bipo. Olsem na dispela go bilong ol long Australia em wanpela bikpela samting tru long laip-taim bilong ol na dispela em bikpela stori we ol midia i nius lain long Australia i gat intares long en.

Ol i no pret long Sidni Haba win taim ol i go long NRL Fan De we i go tu wantaim Futi So we i bin kamap autsait tasol long Sidni Opera haus long Fonde. Na insait long raun bilong ol bikpela amamas i bin kamap long Sarere taim e mi go lukim Dragons i mekim fainel trening na lukim lokal sta pilaia Neville Costigan.

'Holi Greil' o bikpela samting tu long dispela trip em long taim ol i go long Sidni Olimpik Pak em ANZ Stadium long lukim gem namel long St George Illawara Dragons na Sydney Roosters. Man i go wantaim ol long lukim fainel em kepten bilong PNG Kumuls yet Paul Aiton, na dispela wokabaut raun wantaim Paul Aiton klostu long ol lain PMV draiva bilong PNG i mekim ol skin kirap stret na amamas tru. Em i sindaun klostu long ol na lukim NRL Gren Fainel.

Bihain long dispela gutpela raun bilong ol PMV draiva ol i go kambek long PNG long Mande, na mi bilip olsem dispela intares long sait bilong rot sefti bai go bikpela stat long neks yia.

Kain sans olsem long go ovasis i save kam long wan wan taim tasol, olsem na yumi mas amamas long en.

Hare i winim mak bilong em yet inap long 4kg

KATHLEEN Hare long wetlifting i winim mak bilong em yet inap long 4 kilo long wimens 48kg divisen.

Em i rausim 64kg long daunim mak em yet i bin setim taim em i apim 83kg long klin en jek long abrusim mak em i bin gat bipo.

Morea Baru long 56kg divisen bilong ol man i bin mekim gut tu.

Kosa Douglas Mea i amamas wantaim pilai bilong ol etlit bilong em, na i tok em i mobeta long trening ol i kisim.

Ref i stopim pait bilong Michaels

BOKSING bilong PNG i no bin ron gut long Tunde taim refri bilong wanpela pait namel long PNG na Pakistan i stopim pait long fes raun tasol.

Peter Michaels, husat i pait long 75 kilogrem weit i bin kisim hevi taim boksa bilong Pakistan i paitim em antap long rait ai bilong em, na skin i bruk. Pait i no bin abrusim wan minit yet.

Referi i stopim pait namba wan taim long klinim rausim blut i kamap long pes bilong Michaels.

Tasol sampela minit bihain, referi i stopim pait olgeta taim wanpela rait kros pans bilong Pakistan boksa i salim Michaels i go daun na blut i kamaut get long pes bilong em.

Michael yet i no surik na i laik go het wantaim pait, tasol referi i stopim pait long sait bilong helt na sefti.

Kosa Joe Aufa i tok em i disisen bilong referi yet long stopim pait.

"Mi ting olsem Peter i no bin opim gut pait bilong em, olsem na paita bilong Pakistan i lukim dispela na i pait gut," em i tok.

Dispela em i namba wan pait bilong Michaels long wanpela Komonwel Gems na sapos em i bin painim gut lek bilong em long dispela pait, bai em i mekim gut moa.

Tim Menesa, John Avira i tok, ol i gat fopela moa paita bai pait yet.

Noten Reds winim Ragbi Taitol

DESIGNSCOPE Architect Noten Reds i winim Coca Cola Supa 5 bihain long kisim bikpela poin pesentes. Ol tu ino lusim wanpela pilai bilong ol long tupela wik pilai we kamap long SCRUM pilai graun long Lae long las mun.

Reds i bin kisim 17 poin na winim dispela taitol, paslain long Credit Corporation Sauten Traders husait i bin kisim 14 poin, Covec Highlanders 6, PNG Developmen Skwat 6 na Schweppes Niugini Islanders 4

Dispela em namba tu taim ol mangi Momase i winim bek dispela taitol long ol narapela tim. Las yia, ol i winim dispela taitol taim em i stap long Supa 4.

Long dispela win bilong Reds, ol i bin nekim Sauten Traders 13-12, holim nek bilong Developmen Skwat, kikim Highlanders 22-17 na holim nek paip bilong Islanders 37-10 long kamap wina.

Presiden bilong SCRUM Ben Frame i tok amamas long Coca Cola long kamap wantaim dispela kain sponsasip na tok tu olsem Lae na Madang nau i soim sampela kain pasin olsem ol i namba wan ples bilong pilai ragbi.

Em i tok amamas long ol sponsa long kamapim dispela pilai long wanem, tupela wik em longpela taim long ol yet i bungim mani long ronim kain pilai olsem.

Nesinol Maketing Menesa bilong Coca Cola Louise Maher i amamas long bungim ol yangpela long kain pasin bilong pilai na tu, skruim wok bilong ragbi igo aut long ol narapela yangpela mangi long pilai.

Jonah Kautu Jr bilong Sauten Traders i kisim



Pilai namel long Noten Reds (long ret) na Islanders long laspela pilai long SCRUM pilai graun long las wik Sarere long Lae.

awat long planti poin em i kisim na narapela tupela wan pilaia bilong em George Oki na Karo Kauna Jr i kisim awat long planti trai tupela i putim.

Developmen Skwat flai hap Tony Ponda i kisim ruki awat na pilaia bilong dispela tonamen igo long Jacob Niggins bilong Noten Reds.

Insait long tupela wik, ol i bin lukim gutpela pilai bilong ragbi insait long kantri, we planti ol yangpela mangi i kam soim pes na stail bilong ol long pilai.

Dispela pilai em wanpela bikpela pilai insait long kalenda bilong Papua Niugini Ragbi Union insait long kantri, we kain pilai i save kamapim ol hait stail bilong ol mangi long kamap ples klia.

PNG netbol meri bungim Prins Charles

KO KEPTEN bilong PNG Netbol tim, Mona-Lisa Leka i amamas yet long em i bin bungim Prins Charles long Sande.

Em i bin raun wantaim narapela ko-kepten Lua Rikis na Raka Nope, ausait long Gems Viles taim Prins Charles i wokabaut i kam aut.

Tripela meri i bin gat gutpela sans tru long tok-tok wantaim em na em i sekan wantaim Leka, pastaim long em i lusim ol.

Em i lukim ol na askim ol sapos ol i orait, na

Leka i bekim olsem ol i orait tasol.

"Yupela bilong we?" Prins Charles i askim.

"Papua Niugini," Rikis i tok.

Bihain, em i askim wanem spot ol i pilai long en, na Leka i tok netbol.

Bihain em i wokabaut lusim ol wantaim ol bodigat bilong em.

"Em i bin gutpela tru. Em i kam stori wantaim mipela, na em i sekan pinis, na em i go. Em i wanpela bikpela ona tru long mitim em."

Stubbings i strong, tasol i no inap

BARBARA Stubbings i givim gutpela pait agensim Cowie Jeanine bilong Jersey, tasol em i lus 2-3 long skwas bilong ol meri long Siri Fort Spots Kompleks.

Em i lusim tupela fes gem 5-11 pastaim long em i kam bek na winim namba tu na namba tri, 11-6 na 11-9.

Cowie i winim las tupela gem 11-4, 11-6.

Michael Rucklinger i bungim hat taim tru agensim Daryl Selby bilong Englan long bikpela kot, em i lus 3-0 long wol namba foa pilaia.

Rucklinger i lus 11-2, 11-1 na 11-2.

SPOT RAUN
WANTAIM
Scott Vavine, ML



Stap bilong mipela insait long Komonwel Gems

STAP bilong PNG insait long dispela namba 19 Komonwel Gems i lukim moa long 117 etlit na opisal.

Dispela em i namba wan bikpela tim kantri bilong yumi i salim i go long Komonwel Gems bihain long em i kamap namba wan taim.

Kantri bilong yumi is tap wantaim ol arapela kantri insait long Komonwel, tasol dispela taim, olgeta i bung long pilai spots. Ol Komonwel nesen em ol nesen we bipo ol i bin stap aninit long lukaut bilong Briten, na i luksave long Her Majesty, Kwin bilong Ingran olsem hetmeri bilong kantri. Kantri bilong yumi em wanpela long ol.

Long dispela spot pilai, PNG bai stap insait long sampela ol spot liklik, olsem etletiks, boksing, bouling, netbol, wetlifting na swimming. Klostu olgeta memba bilong ol etlit bilong yumi em ol i resis strong na ol i go. Ol i kwolifai taim ol inapim stret kwolifai stendat bilong dispela wol klas pilai. Ol etlit bilong yu i pruvim pinis olsem ol i gat strong bilong stap insait long dispela hai klas resis.

Long 2006 Komonwel Gems long Melbon, Ryan Pini na Dika Toua i apim nem bilong kantri wantaim wanpela Gol na Silva medol. Pini i bin winim wanpela gol medol long 50 mita bres strouk na Dika i bin winim silva long 56 kilogramen divisen bilong ol meri.

Long dispela namba 19 Komonwel Gems, em i narapela samting olgeta. Dika i no moa stap, na nau olgeta bilip bilong yumi i stap long sol bilong Rita Kari. Mi save olsem presa i wok long go bikpela moa long Kari long apim gut ain na winim wanpela medol. Orait, bai yumi strongim tingting long em i mas win long pilai bilong em.

Yumi laki tu olsem yumi gat narapela wol klas paralimik man, em Francis Kompaon, husat i bin winim silva long las olimpik gems long Saina. Olgeta bilip nau i stap long em i mas winim gen silva, o go moa yet na lukluk long gol. Mipela i save olsem em bai strong long winim wanpela medol bilong kantri.

Na olsem wanem long ol arapela spots olsem bouling, boksing na etletiks? Long 1990, Komonwel Gems long Nu Silan, Geua Tau i winim gol long Wimens Singels na em i wanpela medol tasol kantri i kisim. Boksing i gat nem long rausim silva, we Tumat Sogolik i bin winim long 1976 Komonwel Gems long Keneda na brons medol bilong Lynch Aipera long 1998 Komonwel Gems long Malesia.

Mipela olgeta i laik bilip olsem bouling na boksing bai mekim wankain gen. Orait, yumi wisim ol gutpela pilai tru.

Long etletiks, em nau, ol bai resis wantaim ol arapela namba wan rana long wol, na sapos ol i mekim mirakol na winim wanpela medol, em bai inap. Ol em ol top rana long Pasifik, na bilip bilong mipela i stap wantaim ol long mekim gut long wan wan pilai bilong ol.

Inap mi yet, long makim maus bilong olgeta grasruts spot long kantri, i wisim olgeta wan wan etlit long Tim PNG, olgeta win long pilai bilong ol.

Muruks bukim sia bilong Bemobile Kap fainol

SBS Mendi Muruks i bukim sia bilong ol long 2010 Bemobile Kap gren fainol resis long narapela fotnait.

Muruks, husait i las pilai na winim gren fainol aninit long olupela meja sponsa SP long 2007, i amamas long go bek long fainols bihain long olupela yia i stap aut. Dispela pilai i soim tru as tingting olsem olgeta i save pilai olsem wanpela tim.

Bihain long winim namba wan birua bilong ol Niugini Agmark Rabaul Gurias 18-6 long Lae ragbi lig oval long wiken, nau ol bai kisim narapela malolo long wetim husait bai ol i bungim long gren fainol de.

Long narapela maina semi fainol, tingting bilong Enga Toyota Mioks long stap insait long dispela gren fainol i abrus taim ol brata bilong ol long kol ples Goroka, Bintangor Goroka Lahanis i holim nek paip bilong ol 14-8 na rausim ol.

Dispela i soim olsem Lahanis bai bungim Gurias long bikpela semi fainol neks wik na husait i winim dispela pilai

bai bungim ol mangi Mendi long gren fainol long neks wik.

Olgeta dispela fainols bai kamap long Lae, na ino long Pot Mosbi.

Aninit long gutpela dei bihain long bikpela ren long moning, ples i stap isi na san ino strong tumas olsem ol narapela dei na klostu long 10, 000 manmeri long Hailans, olsem Sauten Hailans, Wabag, Mount Hagen, Simbu na Isten Hailans i bin kamap long sapotim na witnesim dispela bikpela pilai insait long kantri.

Olgeta manmeri na sapota i go sapot long wei bilong sapot na amamas tasol tim bilong ol i win o lus na i no kamapim planti hevi long ples bilong pilai.

Muruks i bin lusim planti bilong ol gutpela pilaia bilong ol igo aut long ol narapela Bemobile Kap tim tasol long wankain taim, ol i kisim sampela ol gutpela pilaia we ino gat luksave pas-taim.

Muruks i gat tupela pilaia Kepten Joseph Omae na fulbek Roderick

Puname tasol em olupela mangi na i bin stap wantaim ol mangi bilong ol long pastaim na winim ol bikpela fainols. Long las wik Sande, ol i stap na lidim ol narapela mangi long igo long fainols.

Gurias, husait i gat ol gutpela mangi bilong ol long pilai na tu i gat intanesinol eksperiens i go sot long mak na planti taim, ol i kisim taim long pilai.

Larsen Marabe, Rodney Pora, Sigfred Gende, Dion Aiye na Kevin Frank i soim tru kala bilong ol olsem ol bikpela mangi bilong pilai tasol ol ino abrusim ol Muruks.

Roy Kela, Wesley Beni na riplesmen Andrew Baine i sanap fitim ol dispela bikpela mangi bilong maunten pairap.

Difens bilong Muruks i mekim ol i win tasol bol wok mas i gat sampela gutpela rispek sapos ol mangi 'naiko' i laik winim tru dispela taitol.

Muruks i wok planti pekato long lusim bal na ol mas kisim gutpela was long kontrolim na lukautim dispela bal long taim bilong pilai.

Gigira kolim tim

GIGIRA Laitepo Morobe FC i bin kolim pinis 22 man skwat we i pulap long ol yangpela mangi long 2010/2011 Nesinol Soka Lig o NSL long dispela sisen.

Dispela bikpela soka resis bai kamap bihain long olupela wik na olgeta tim nau i stat redim ol yet long pilai insait long dispela resis.

Gigira Laitepo Morobe i bin kamap wantaim planti ol nupela pes insait long dispela resis, we bai lukim swipa Goroba Tawa bai lukautim ol mangi. Em bai kisim gutpela sapot long han bilong olupela junia PNG sait midfilda Armstrong Peka.

Tupela wantaim i pilai wantaim Gigira taim NSL i bin stat long 2006 na planti bilong ol dispela yangpela mangi i bin lusim ol na igo na olupela i stap yet.

Peka i bin go pilai wantaim Esi Loan Yunivesiti bilong Pot Mosbi long las yia tasol i bin go bek gen long Gigira FC long taim bilong windo transe na nau joinim ol gen.

Pastaim straika bilong CMMS Tigers Bruce Kusunan i joinim ol mangi long Lae na bai poromanim Afrika bilong Lae, Pascal Wojen. Wojen i bin redi long go na pilai long wanpela klab long Fiji tasol dispela sisen long Fiji bai pinis klostu taim, olsem na em bai stap wantaim klab bilong em long Lae inap stat bilong neks yia, we em bai go long Fiji.

Ful tim bilong Gigira Laitepo Morobe FC em Daniel Kali na Willie Baafec (gol kipa), Tawa, Rodney Talau, Valentine Nelson, Lazarus Darpal, Philemon Yalu, Hiob Sasop, David Kiaka na Michael Masi (backs), Essa Nasa, Khou Liem, Eliud Fugre, Sammy Hiob, Gamang Sasame, Robin Igens, Nico Mani na Peka (midfildas) na Russell Nirik, Kusunan, Israel Hegufe na



TAWA: Em bai kisim bikpela pen gen long lukautim ol mangi bilong em long dispela sisen bilong NSL. Piksa: Gigira FC Images

Wojen, em ol straika.

Ol opisols i gat sampela nupela pes tu long dispela sisen.

Chris Kunyamban bai i stap presiden yet na namba tu bilong en em Roy Kamen. Kamen em Distrik Administrita bilong Boana distrik insait long Morobe Provins.

Tim menesa em Nigel Kiaka, namba tu em Leo Fugre na pastaim PNG midfilda Jack Jonathan em nupela het kosa na Paise Sam em kamap namba tu bilong em na Bustin Anzu em niusman bilong tim.

Namba wan pilai bilong Gigira bai kamap long Lae wantaim Hekari United long namba 16 dei bilong mun Oktoba.

Dispela pilai namel long Lae na

Mosbi em olsem gren fainol bilong las sisen we Hekari i winim ol Gigira wansait 5-1.

Hekari nau i makim Osenia insait long Wol Kap sempionsip we bai kamap long Dubai long Disemba.

Long ol narapela nius, ol pilaia bilong Lae husait i pilai wantaim ol narapela NSL tim bai ino gat sans long pilai wantaim Gigira.

Dispela em long wanem, bikpela tingting bilong Gigira em long promotim ol yangpela na nupela mangi husat i no save pilai long dispela kain pilai na ino soim strong kala bilong ol yet.

Bikpela tingting bilong ol opisols na moto o tingting hait bilong klab em long kamapim ol nupela pes insait long pilai soka.



SPOOTS



Noken tingting tumas long Pini: Wardley

RYAN Pin ii go insait long fainol bilong 50 mita bataflai we i kamap long aste Trinde.

Tasol kantri i noken tingting planti long em i mas winim dispela swim, het meri bilong PNG Tim, Tamzin Wardley i tok.

Em i tok PNG Tim i givim bikpela sapot bilong em i go long Pini.

Olgeta lain long Tim i save long kain hevi em Pini i karim long tingting bilong ol manmeri long PNG.

“Mi olsem olgeta lain, we mi laikim em i mas win. I no bilong winim medol, tasol i bin mekim olgeta manmeri long kantri i amamas long foapela yia i go pinis.

“Tasol foapela yia i longpela taim long taim em i winim gol medol long Melbon Komonwel Gems na bihain long dispela, Pin ii bin go aninit long naip tupela taim.

“Em i wok long swim gut, na i kamap long fainol, tasol olgeta tingting bilong em long mekim gut bai stap long fainol swim bilong em,” Wardley i tok.

Tim PNG i stap na i givim olgeta sapot bilong em i go long Ryan olsem ol i save mekim long planti ol bikpela swim bi-



WAN MOA TAIM: Em sampela yia bihain long Ryan Pini i bin winim gol medal long Komenwel Gems, na nau, PNG i gat bilip long em yet.

long em long PNG yet na long arapela kantri.

Long time m tupela papamama bilong em, brata Jason, kosa Frederick Van de Zant, PNG Fes Sekreteri long India,

Karo Rupa na PNG Spots Faundesen (PNGSF) Sif Eksektiv Opisa, lammo Launa na ol memba bilong PNG Tim bai stap long givim sapot.

Pini i bin pinis long namba tu

ples wantaim taim 24.36 bihain long Jason Dunford.

Em i bin namba 6 man long go insait long mekim fainol tim.

Em i kwalifai tu long 100 mita fri stail semi fainal long aste,

tasol i pasim dispela pilai bikos em i moa klostu long gutpela resis bilong em 50 mita bataflai fainol.

100 mita bataflai bai kamap bihain long dispela wik.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko. Phone 325 3185. Fax 325 0190. Email sales@johnstons.com.pg."